

جریدہ عدلیہ

آلہجی سنہ

۲۴ ذی القعدہ ۱۳۳۳ ۲۰ ایلول ۱۳۳۱

نومبر ۱۹۵۰

بازار

قائمہ سنیہ

قوانین و نظامات

آخر محللہ نقل ایدیلان اشخاصک اموال و دیون و مطلوبات متروکہ سی حقندہ

قانون موقت صورتیدر

مادہ : ۱ ۱۴ مایس سنہ ۳۳۱ تاریخی قانون موقت حکمنجہ آخر محللہ نقل ایدیلان اشخاص حقیقیہ و حکمیہ نک ترک ایتش اولدقلری اموال و مطلوبات و دیون بو خصوص ایچون متشکل قومیسونلرک ہر شخص ایچون آری آری تنظیم ایدہ جکلری مضبطہ لر اوزرینہ محکمہ لرجہ تصفیہ ایدیایر .

مادہ : ۲ برنجی مادہ دہ بیان اولنان اشخاصک حین نقللرنده متصرف بولندقلری اجارتینلی مسققات و مستغلات وقفیہ نک خزینہ اوقاف و اموال غیر منقولہ سائرہ نک خزینہ مالیہ ناملرینہ قیدلری اجرا ایدیایرک ہر ایک قسم اموال غیر منقولہ نک مذکور خزینہ لر طرفدن ویریلہ جک بدللرندن بعدالتصفیہ قالہ جق مقداری اصحابنہ اعطا اولنور .

اموال مذکورہ یہ دائرہ تحدت ایدہ جک استحقاق وسائر دعاویدہ دفتر خاقانی مأمورلری خصم اولور وبوماللردہ تصرفک اثباتندہ مواضعدن عاری اولمق شرطیلہ سندات خاقانیہ نک غیری وثائق دخی معتبر طوتیلور .

اشخاص مبحوثه نك تاريخ نقلرندن اون بش كون اولكى مدت ظرفنده اجرا ايتدكلى معاملات فراغيده مواضعه ويا غبن فاحشك وجودى بالحكمه ثابت اولدينى تقديرده عقود واقعه فسخ وابطال اولتور.

ماده : ٣ ذكر اولنان شخصلك نقود واموال منقوله متروكه سيله مودوعات ومطلوباتى برنجى مادهده ذكر ايديلن قوميسيون رئيس ويا وكيلى طرفندن جمع واسترداد وتحصيل ودعوا واموال متروكه دن منازع فيه اوليانلر بلزايده فروخت ايله حاصل اولان مبالغ صاحبلى نامنه امانه مال صندوقلرینه توديع اولتور .

ماده : ٤ اموال متروكه يه استحقاق ويا نقل اولنان اشخاص ذمتنده مطلوبات ادعا ايدنلردن ممالك عثمانيه ده مقيم اولانلر اشبو قانونك تاريخ مرعيتندن اعتباراً ايكي و ممالك اجنيه ده بولانلر درت آي ظرفنده قوميسيونلره اصالة ويا وكالة بالمراجعه الالجقلى قيد وقبول ايتديرمكه وهرنوع تبليغات محل اولمق اوزره قوميسيونك انعقاد ايتديكى بلده ده بر اقامتكا تعين ايتمكه مجبوردرلر .

بو مدتك مروندن صكره اقامه اولنه جق دعوالر حقنده احكام عموميه جارى اوله جنى كچى دعاوى مذ كورده حقل چقانلر اشبو قانونه توفيقاً تصفيه ايدلمش اولان اموال متروكه يه مراجعت ايده منزلر .

ماده ٥ قوميسيونلر هرنوع مطلوبات وديونك بينات لازمه سنى تحرى ايدرك تحقيق وبولردن صحيح كوردكلى قبول ايله قيد ايتدكن واموال متروكه يه متعلق استحقاق دعوالرى بعدالاشاره اصحابى محكمه عائده سنه سوق ايلدكن صوكره هر شخصك موازنه اموال وحساباتى ناطق آيرى آيرى مضبطلر تنظيم ايدرك بولرك صورت مصدقلىرى ايجاب ايدن محللره تعليق صورتيله علاقه دارانه تبليغ ونسخ اصليله لرى اوراق متفرعه سيله برلكده مدعى عمومى يه ايصال ايدرلر مدعى عمومى بو مضبطلرى تسجيل طليله مديونك نقلندن اولكى قانونى اقامتكا هنك منسوب اولدينى بدايت حقوق محكمه سنه توديع ايلر اصحاب مطلوب مضبطلره قارشو تاريخ اعلاندن اعتباراً اون بش كون ظرفنده محكمه عائده سنى حضورنده اعتراض ايده بيلور . مدت مذ كورده نك ختامنده محكمه مدعى عمومى حاضر اولدينى حالده تدقيقات لازمه يي ايفا واعتراض واقع اولمش ايسه معترضى وقوميسيون رئيس ويا وكيلى مستعجلاً دعوتله اعتراض ومدافعه لرى استماع ايتدكن ولزوم كوره جكى تعديلاتى ياپدقن صوكره هر مضبطه يي بالتسجيل اعلام حالنده ماده آتیه يه توفيقاً اجرا اولمق اوزره قوميسيونلره اعطا ايلر .

بو اعلاملك احتوا ايتديكى حكملر قابل اعتراض واعاده واستيناف وتميز دكلدر .

ماده : ٦ اكتساب قطعت ايدن اعلامات احكامنه كوره مديونلك ديون ممتازه وغير ممتازه سنك موجودلردن تماماً وكفايت ايتديكى تقديرده ديون ممتازه سنى ترجيح ايدلك اوزره غرامه تسويه سنى تصفيه قوميسيونلرینه وبولرك ختام انعقادنده اجرا دائره لرينه عائددر .

ماده : ٧ نقل اولنان اشخاصك اموال متروكه سنه اشبو قانونك نشرندن مقدم محاكم ودوائر رسميه

طرفندن وضع ايدلمش اولان احتياطى ويا اجرائى حجزلر كآن لم يكن اولوب حجزى وضع ايدنلر اشبو قانون احكامنه تابع اوله جقلدرلر .

اشخاص مذ كوره عليهنه محاكمه اليوم در دست رؤيت دعواسى اولانلر قوميسيونلره مراجعتله ويا احكام عموميه يه توفيقاً تعقيب دعواده مختاردرلر . قوميسيونلره مراجعت ايتيانلر حقنده در دنجى ماده نك صوك فقره سى احكامى جارى اوله جقلدر . بوشخصلك لهنه در دست رؤيت اولان دعوالر قوميسيون رئيس ويا وكيلى طرفندن كذلك احكام عموميه يه توفيقاً تعقيب واتمام ايديلر .

ماده : ٨ قوميسيونلك صورت تشكى ايله بوقانونك احكام سائرهنك صور تطبيقه واجرائيه سى بر نظامنامه ايله تعين ايديله جكلدر .

ماده : ٩ اشبو قانونه توفيقاً اوقاف وماليه خزينه لرى ناملرینه قيدرلى اجرا قلنان اجارتيلى مسقات ومستغلات وقفه ايله اموال غير منقوله سائر مهاجرين نظامنامه سنه توفيقاً مهاجرينه مجاناً تفويض وتوزيع اولنه بيلير .

ماده : ١٠ بوقانونك اجراسنه اوقاف وداخليه وعدليه وماليه ناظرلى مأمورددر .

ماده : ١١ اشبو قانون تاريخ نشرندن معتبردر .

مجلس عمومينك كشادنده قانونى تكليف اولمق اوزره اشبو لايحه قانونيه نك موقتاً موقع اجرايه وضعى وقوانين دولته علاوه سنى اراده ايلدم .

١٧ ذى القعدة سنه ١٣٢٢ و ١٣ ايلول سنه ١٣٢١

محمد رشاد

داخليه ناظرى وماليه ناظر وكيلى	عدليه ناظرى	اوقاف هايون ناظرى	صدر اعظم
طلعت	ابراهيم	خيرى	محمد سعيد

تبليغات عومريه

عومريه نظارت جليله سنه ٢ ايلول ١٣٣١ تاريخنده بالعموم استيناف مدعى

عموميلىك لرينه تبليغ ايديلن خبرات عموميه صورنيدر

« ضرورت قطعيه موجود اولمادجه شوصره ده اطباى بلديه نك محاكمه جلب ودعوت ايدلاملرینه دائر »
احوال صحيه محليه ايله وظيفه دار اولان اطباى بلديه نك جرائم مشهوده وقوعنده دخى امكان دائره سنده

ايفای وظيفه غيرت ايللری تبليغات واقعه اقتضاسندن بولمغله اول و آخر بوخصوصه اعتنا ايدلمکده اولوب حالبوکه اکثریتله برضبط ورقه سته وياخود برراپوره وضع امضا ايتمش اولان اطبانک محاکمه احضاراً جلب ايدلمکده اولملرندن ناشی اساساً برطیبیدن ماعدا طبيبی بولمیان قضا مرکزلی بش اون کون طیبسز قالمقده اولديغندن صحت عمومیه به شدتله تعلق درکار اولان بوجهتک مناسب بر صورتی ربطی لزومندن بختله اطبا افادتک استتابه صورتيله اخذی صحیه مدیریت عمومیه سی افاده سیله داخلیه نظارت جلیله سندن باتذکره ازبار قلنمش و محاکمه افاده لرینک اخذینه لزوم کوریلان اطبا ی بلدییه نك هر خصوصه جلب ايدملری وظائف اصلیه لرینک ایفاسنه مانع اوله جفندن واعطا قلنان راپورلردن نقصان و محتاج ایضاح کوریلنلرک ا کمال اولنمی و مندرجاتی شایان تأمل و موجب تردد اولانلرک دخی صحیه مدیریت عمومیه سنجه تدقیق ایتدیرلمی ممکن ایدوکنندن ضرورت قطعیه اولمقده شومصرده اطبا ی بلدییه نك محکمه به دعوتلری جهته کیدلامسی موافق نفس الامر کوریلهرک اولوجهله ايفای معامله اولنمی بالعموم استیناف مدعی عمومیلککرینه تبلیغ قلنمش اولمغله دائره مأموریتلری داخلنده کی محاکم ودوائر لاجل التوزیع اشبو تحریراتک نسخ مطبوعه کافیه سی لفاً ارسال قلندی .

در سعادت ولایات والوب مستقر استیناف مدعی عمومیلککرینه ۲۲ ایلول سنه ۱۳۳۱ تاریخنده

تبلیغ ایدیلر تحریرات عمومیه صورتی در

« دول مخصوصه تبعه سندن اولان اطبانک اجرای طبابتدن منع ایدملری حقنده »

دول مخصوصه تبعه سندن بر طاقم اطبانک کمال سربستی ایله اجرای صنعت ایتمکده اولدقلرندن و بوحالک محذوردن خالی بولمديغندن بختله دول مخصوصه تابعیتی حائر اطبانک ممالک عثمانیه نك هر طرفنده اجرای صنعتدن منعلری مقتضی کورندیکنه دائر داخلیه نظارت جلیله سندن وارد اولان تذکره اوزرینه مجلس عالی و کلاجه دول مخصوصه تابعیتده بولنان اطبانک نظارت مشارالیهانک اشعاری وجهله ممالک عثمانیه نك هر طرفنده اجرای صنعتدن منع ایدملری مصیب و مناسب کورلمش ودوائر متعلقه به تبليغات اجرا قلنمش اولدینی باتذکره سامیه بیلدیرلمشدر مأموریت بهیه لرینجه ده قرارعالی دائره سنده تقیدات لازمه ده بولنلمسی توصیه اولنور

انجمن عدلیه نك ۲۷ ایلول ۱۳۳۱ تاریخنی ورقه سکر نومردی مضبوطی صورتی در

« کفالتله تخلیه ایدیلن مظلونلرک دعوت قانونیه به عدم اجابتی حالنده کفالت اچهنسک قسم معنی مصارف محاکمه نك اصول تحصیلنه توفیقاً تحصیل ایدیلر »

امور جزائیه مدیریت بهیه سندن ۱۴ تموز ۱۳۳۱ تاریخنی مذکره سی مطالعه اولندی کفالتله تخلیه ایدیلن مظلونلرک بالاخره دعوت واقعه به اجابت ایتهملرندن طولانی تحصیلي اجباب ایدن مبالغک صورت تحصیلنده واخذی اقتضا ایدن مصارف ورسومک نه وجهله تسویه و محسوب ایدیله جکندن و نقداً دیپوزیتو ایدلیوبده مقابلنده کفالت مالیه اراءه ایدیلن برنجی قسم کفالت اچهنسک کفلانک اموال و املاکنک دوائر اجرائیه به

حجز وفروختی ویا کندیلرینک تحقیق اقتدارینه حاجت قالمقسزین حبسی یاخود دولته عائد جزای تقدیلره قیاساً تحصیلي ، یوقسه مصارف محاکمه کی مأمورین مالیه معرفتيله استیفاسیمی لازم کله جکندن تردد اولنديغندن بختله استیدان کیفیت ایدلمسی اوزرینه مکفولله دعوت قانونیه به اجابت ایتدیکی حالده کفالت اچهنسی مال صندوقه تسلیم ایدلمش ایسه ايفای معامله ایچون ترده محل اولیوب کفالت اچهنسندن مصارف محاکمه ایچون تقدیر اولنان برنجی قسمی خزینه مانده ایدیله جکی کی مظلون علیک محکومیتی حالنده ده کفالت اچهنسندن دعوی مصارفی ایله جزای نقدی ایفاسنه کافی مقداری صرف اولندقدن صکره فضله سنک اعاده سی و کفالت تقدیه مال صندوقه محفوظ اچهن اولمایوبده کفیلندن تحصیل اولنه جق اچهن ایسه او حالده محکمه نك یازمجنی مذکره ایله تعهدنامه یی مدعی عمومیه ویرمسی و مدعی عمومیلککجه ده تحصیل اولنه جق اچهنک کفیلندن اجرا دائره سی واسطتيله تحصیل ایتدیرلمسی اقتضا ایتمکده اولوب انجق کفیلک معین اچهنی بالرضا تسویه ایتهمسی حالنده ایفاسی مقتضی معامله موضوع بحث و مناقشه اوله بیله جکندن و چونکه بومثالو کفالت اچهنلری برجرم مقابلنده حکم ایدلمش جزای نقدی قیلندن اولمادیکی جهته دولته عائد جزای تقدیلره قیاساً حبسه تحویلی جائز اوله مایه جنی کی کفلانک اموال و املاکنک دوائر اجرائیه به جز وفروختی ایچونده برمسند قانونی بولمديغندن بولنلرک مصارف محاکمه کی مطلوبات امیرییه قیاساً مأمورین مالیه معرفتيله تحصیل واستیفا ایتدیرلمسی مطالعه سی درمیان اولمقده در

ایجابی لدی التأمل کفالت کړک استتطاق دائره سنجه و کړک محکمه به النمش اولسون مظلونک دعوت قانونیه به عدم اجابتی حالنده مستنطق جانبدن تنظیم ایدیلن مذکره ویاخود محکمه نك قراری مدعی عمومیلکک تودیع اولنه رق کفالت اچهنسنده قسم معنی اعلامات جزائیه نك مصارف محاکمه قسمک تحصیلي حقنده کی اصول وقاعده به توفیقاً مدعی عمومیلککجه تحصیل ایدلمک لازم کله جکی تذکر قلندی

محکمۀ نمبرز مقرراتی

محکمۀ نمبرز مقرراتی

محکمۀ نمبرز مقرراتی صادر اولده ۱۷ شباط ۱۳۳۰ تاریخنی و ۱۵۶۷ نومردی اعلام صورتی در :

« مختلف دیونی اولان کیمسه دائنه بر مقدار شی ویردکن صکره هانکی دیننه

محسوباً ویرمش اولدینی ادعا ایدرسه سوز آنکدر »

در سعادتده ایازمه قپوسنده نومروسز مغازه ده مقیم مطو زاده الیاس سامی و شرکاسیله محل مذکورده

کراسته تجارتدن الیاس فهمی و مخدومی شرکت منفسخه سی اعضاسندن متوفای مومی الیه الیاس فهمی افندی مخدومی و ورثه صغاری وصی مختاری یعقوب حلمی افندی بیننده متکون دعوایه دائر درسعادت استیناف حقوق محکمه سندن ۲۸ کانون اول ۳۳۰ تاریخی و یوز سکسان آلتی عددیه ویریلوب مذکور مطو زاده الیاس سامی و شرکاسی طرفندن تمیزاً تدقیقی استدعا قلنان اعلام باش مدعی عمومیک مأموریت علیه سنک مطالعه نامه سی آندقدن صکره طرفینک اعتراض و جواب لایحه لریله برابر بالمطالعه تدقیقات تمیزیه اجراسنه ابتدار قلندی .

اعلام مذکور مندرجاته کوره : الیاس فهمی و مخدومی شرکتی طرفندن مطوزاده الیاس سامی و بشیر صبری و حسین افندیلر شرکتی علیه اقامه اوله رق مومی الیه الیاس فهمی افندینک وقوعاتیه مخدومی و شریکی و ورثه صغاری و وصی مختاری مومی الیه یعقوب حلمی افندی طرفندن تعقیب اولنان و بحسب الکفاله بدلرینی تأدییه ایلدکلری آلتی قطعه سندات تجاریه نک محتوی اولدینی جمعاً اوچ یوز قرق اوچ لیرانک تحصیل حقنده درسعادت ایکنجی تجارت محکمه سنده متکون دعوانک اجرا قلنان محاکمه و تدقیقاتی نتیجه سنده مدعی علیهم مذکور سنده کفالت ایچون مدعییه بر کونه امر ویرمدکلری جهته کفالت تبرعاً واقع اولمش و بناء علیه مدعینک مؤدا ایله کندیلرینه رجوعه حق و صلاحیتی بولنماش اولدینی یولنده کی دفعلرینک با قرار محکمه ردندن صکره مذکور سند بدلرینی کراسته ایله تأدییه ایلدکلری یولنده وقوعولان ادعلرینه قارشوده مدعی سالف الذکر کراسته لری آلدق لری بالاقرار آنحق بشقه بر مقاوله دن منعث دینه مقابل آلدق لری بیان ایللری اوزرینه محکمه جه حق محسوب مدیونک اولمق اعتباریه بشقه مقاوله یه محسوباً ویرمه مش اولدق لرینه دائر مدعینک یمین تکلیف و توجیه نه حق اولدیغه دائر اتخاذ اولونان قرار اوزرینه مدعینک مذکور یمینی توجیه ایتماسندن دولای دعوانک ردینی متضمن ویریلان اعلامک عندالاستیناف مدعی عمومی حضوریه اجرا قلنان محاکمه و تدقیقاتی نتیجه سنده عندالحا که مدعی علیهم طرفندن سندات مذکوره ده کی کفالت امضاسی بلا امر واقع اولدیغندن دولای مسئله ده تبرع حکمی جاری و بناء علیه مدعینک مؤدا ایله حق رجوعی غیر جائز بولندی یولنده درمیان اولنان دفعک ردندن صکره دونوبده بدلات مذکور دینی مدعییه کراسته اثمانیه تأدییه ایلدکلری یولنده دفع دعوا ده بولنملری تناقض تشکیل ایتمش ایکن محکمه ابتدائیه جه دفع مذکورک استماع ایدلمسی و بشقه دینه محسوباً کراسته ویرمدکلری یولنده یمین توجیه ایدیه بیللمسی ایچون ده اول امرده دینک بشقه بر جهتن وجودی ثابت اولمق لازم کلیر ایکن بو جهت ثابت اولمق سزین توجیه یمینه یه کیدلمسی مغایر قانون اولدیغندن اعلام ابتدائی نک فسحیه تناقضندن دولای دفع مذکورک ردینه و مدعییه اوچ یوز قرق اوچ لیرانک پروتستوسی تاریخندن اعتباراً مع فائض شرکت مذکور دن تحصیلیه حکم و قرار ویردیکی آکلاشلمشدر . مستدعی مطو زاده شرکتی طرفندن معطی لایحه ده : عندالحا که بر حق شرعی و قانونی اوله رق درمیان ایلدکلری حق محسوب اولمالرینک مقدما کفالت مذکور نک بلا امر اولدینی جهته تبرع حکمنده

اولدینی یولنده کی ادعلرینی مناقض عدلیه بر منوال محرر قرار ویرلمسی مغایر قانون اولدیغندن واسباب سائرهن بختله اعلامک تقضی و لایحه جوا بیه ده دخی غیر وارد اولان اعتراضات مذکور نک ردیه موافق اصول و قانون اولان اعلامک تصدیقی طلب واستدعا اولمش و آلف الیایان مطالعه نامه مألیده لایحه تمیزیه ده سرد اولنان اعتراضاتک مندرجات اعلامه نظراً بجا کوریه مدیکی بیانندن عبارت بولنمشدر .

ایجابی لدی المذاکره خصوص مدعی نه قدر بر منوال محرر حکم و اعلامه ربط اولمش ایسه ده مدعی علهلر مدعینک کفالتی کنندی امر لریله وقوعولمادیغنی جهته کفالت مذکور نک تبرع قبلیندن اولدیغنی و بناء علیه کندیلرینه رجوعه صلاحیتی اولمادیغنی بیان ایتدکن صکره مکفولیه مقابلنده مدعی شرکته معلوم المقدار کراسته اعطاسیه دین مذکور ی ادا ایتمش اولدق لری بیان ایللرینه نظراً اولبابده کی کفالتک امر لریله واقع اولدیغنی اقرار ایتمش اولدق لری و بوکا قارشو مدعی ده مذکور کراسته لری قبض ایتمش ایسه ده دیگر مقاوله موجبجه مدیونلردن بشقه جه آله جفی اولان مبلغه مقابل اخذ ایلدیکنی بیان ایتمش و مدعی علیه مدیون اولمق اعتباریه بجه نک بیک ید یوز یتمش بشنجی ماده سنه توفیقاً سوز مع الیمین کندوسنه عائد بولمش اولدینی جهته اموال مذکور دینی هانکی دینه مقابل ویردیکنی بیان ایلر ایسه اولوجه یه یمینه تصدیق اولنمی لازم کلدیکی و شوصورتله قانوناً دعوانک ردینی موجب بر کونه تناقض موجود اولمادیغنی حالده استیناف محکمه سنجه بو جهتلر نظر دفته آلمیه رق تناقض وقوعندن بختله بوجه مشروع قرار ویرلمسی مغایر قانون اولدیغندن اصول محاکمه حقوقیه قانوننک ایکیوز اوتوز ایکنجی ماده موجبجه اعلام مذکورک تقضیه ایکی یوز قرق دردنجی ماده سی حکمنه توفیقاً کیفیتک بالرؤیه اعلامه ربطی ضمننده محکمه مذکوریه اعاده سنه وزیرده مفردات و معطیسی محرر مصارفک ایلروده حق سز چقه جق طرفه عائد اولسنه ۳ شباط ۳۳۰ تاریخنده متفقاً قرار ویرلدی .

حکم تمیز حقوقی صادره صادره ۲۱ شباط ۳۳۰ تاریخی ۱۵۷۳ نومرولی اعلام صور تیرر :

« اجرا دائره سنجه ساتیلان عمارت معامله فراغیه سنک اجراسی حقنده یازیلان تذکره طابو اداره سنه ورود ایدنجه یه قدر معاملات اجراییه ختام بولمش نظریله باقیله ماز . »

ازمیرده درکمان طاغنده مقیم تکوش بدایت محکمه سی اعضای سابقه سندن مصطفی صبحی افندی ایله اوده مش قضاسی بلدییه رئیس علی حیدر افندی بیننده متحدث دعوایه دائر اوده مش بدایت محکمه سندن ۱۲ مارت ۳۳۰ تاریخی و یوز آلتی عددی ایله ویریلوب مومی الیه صبحی افندی طرفندن تمیزاً تدقیقی استدعا قلنان اعلام طرفینک اعتراض و جواب لایحه لریله بالمطالعه تدقیقات تمیزیه اجراسنه ابتدار قلندی . اعلام مذکور مندرجاته نظراً مومی الیه صبحی افندینک متصرف اولدینی اوده مشک چتال یول محله سنده

کائن معلوم الحدود ومعدلاستغلال برباب خانه سنی مومی الیه علی حیدر افندی فضولی ضبط وعصمت افندی نام کمنه یه ایجار ایدرک بدل ایجارینی دخی صرف واستهلاك ایتدیکندن بختله هرایکینسک جلیله مذکور خانه نک تخلیه سی وبدل ایجاردن غیر از استیفا طقسان التي بحق لیرانک تحصیلنی طلب ودعوی وبرقطعه مکتوب ایله مذکور خانه نک کندی عهده سنده مقید اولدیغنی ناطق درکنارلری محتوی ایکی قطعه عرضحال ابراز واعطا ایتسی وتعیین قلنان کونده مدعی علیهمادن عصمت افندی نک دعوت واقعه یه اجابت ایتما سنده مبنی انک حقنده غیاباً اجرای محاکمه یه لدی الابتدار مدعی علیه علی حیدر افندی سالف الذکر خانه مدعینک زراعت بانقه سنده اولان دینندن طولای دأره اجراجه بالمزایده اوچ بیک کسور غروشه عهده سنده تفویض اولدیغنی جهته بوبابده کی ادعایک ردینی مدافعه بیان وانبا ایلمسی اوزرینه جریان ایدن محاکمه وتدقیقات نتیجه سنده مدعی علیه هر نه قدر مدعی یه خانه نی دأره اجرادن صاتون آلدیغنی بیان ایتمکده ایسه خانه مذکورک الآن مدعی صبحی افندی نامنه مقید اولدیغنی وزراعت بانقه سنده اولان دینی دخی ادا ایدرک فک رهن ایدلیدی مبرز ایکی قطعه درکنارلی عرضحال مؤداسی ومکتوب مندرجاتیله تحقق ایتسنه مبنی مدعی علیک بوبابده کی مدافعه سنک ردیله مجله نک طقوز یوز برنجی وطقوز یوز ایکنجی وطقوز یوز یدنجی و بیک التیوز التنجی و بیک سکنز یوز اون یدنجی ماده لری احکامنه توفیقاً مدعی علیک مذکور خانه یه وقوعبولان مداخله سنک منعیله طقسان التي بحق لیرانک مدعی علیهمادن یالکز علی حیدر افندی تحصیلیه مدعی صبحی افندی یه اعطاسنه دأره صادر اولان اعلام ابتدائینک مقدماتاً تمیزاً بالتدقیق منازع فیه خانه مدعینک ملک ایکن بانقه یه رهن ایدلش ومؤخرأ ایضای دین ایله فک ایدلش اولسنه واجرا دأره سنده کی معاملاتک صورت قطعه ده ورسماً مشتری عهده سنده حکمک صورتیله اکتساب تمامیت ایلدیکنه کوره خانه نک مدعی یه عأدتی جهتیله اکا دور وتسلیمنه دأره اولان حکم موافق قانون اولغله بوجهت حقنده کی فقره حکمیه نک تصدیق وفقط مدعی مذکور خانه نک بدلات اجاره سندن مقبوضی اولان مبالغی مدعی علیهن طلب ایلدیکنه وبوطلبک مشروعیتی ایسه اجاره فضولی یی شرائط معلومه موجود اولدیغنی حالده مجیز اولسنه ومدعی علیکده ادعا اولنان مبالغی مستأجرلردن اخذ واستیفا وقبض ایلش اولدیغنی ثبوتنه وابسته ایکن بوکا دأره هیچ برتدقیقات اجرا ایدلمکسزین بوجه محرر قرار ویرلمسی قانونه مغایرتسندن طولای بوجهت حقنده کی فقره حکمیه سنک نقض واعاده اولنسی اوزرینه بوکره مومی الیه علی حیدر افندی محکمه مذکوریه بالمراجعه اولجه دأره اجرادن بالاشترا ملک اولان مذکور خانه نی سبب شرعی زعمیله تعمیر وعلاوه انشآت اجرا ایلدیکی کبی کندی طرفندن وجوده کتیریلان زوائد متصله نک قیمتی دخی مدعی به خانه نک قیمتندن زیاده اولدیغندن زوائد مذکوریه نک منهدماً قیمتی اولدیغنی آکلاشیلان بشیک التیوز سکسان درت غروشک مع مصارف محاکمه مومی الیه صبحی افندی تحصیلنی طلب ودعوا ایتش وبر درجه یه قدر وجاهی محاکمه جریان ایتدکن صوکره اکال محاکمه ضمنتده اخیراً تعیین قلنان کونده مدعی علیک بالذات کلدیکی کبی وکیل دخی ورود ایتما سنده مبنی غیاباً اجرا قلنان محاکمه وکشف

وتدقیقات نتیجه سنده مبرز محکمه تمیز اعلامی مندرجاتنه نظراً مومی الیه علی حیدر افندی نک مدعی به خانه یه مداخله سنک منعه دأره لاحق اولان حکم تصدیق اولدیغندن سبب شرعی زعمی شایان التفات اوله مامسنه مبنی مومی الیه علی حیدر افندی نک اولبابده کی ادعایک ردیله انجق زوائد متصله نک مستحق القلع اوله ورق قیمتی اولدیغنی نائب واهل وقوف طرفندن اجرا قلنان کشفی متضمن اعطا اولنان راپور مندرجاتندن اکلاشلش اولان ایکنیک التیوز التمش سکنز غروشک عندالاعتراض حق خیارینی استعمال ایتک اوزره مدعی علیه صبحی بکدن بالتحصیل مدعی مزبور علی حیدر افندی یه اعطاسنه غیاباً حکم وقرار ویرلیدی اکلاشلشدر . مستدعی تمیزک اعطا ایلیدیکی لایحه اعتراضیه ده کندوسنک مذکور خانه یه ملکیتی حقنده سبق ایدن حکم واعلام مقدماتاً تمیزاً بالتصديق کسب قطعیت ایلدیکندن مزبور علی حیدر افندی طرفندن بوکره اقامه اولنان اشبو دعوی تمیز اعلامنه قارشی فوق القانون بر تشبث وبنابرین غیر مسموع اولدیغنی حالده محکمه جه قبول واستماع اولنسی مخالف قانون اولدیغندن وافادات سائردهن بختله اعلام مذکورک تقضی استدعا وجواب لایحه سنده دخی تمیز قراری خلافتده اوله ورق منازع فیه خانه نک مال مغضوب عدیله زوائد متصله نک مقلوعاً قیمتک تحصیلنه قرار ویرلمسی یولسز اولدیغنی بیان اولنمشدر .

ایجابی مذاکره اولندقدده هر نه قدر محکمه جه کیفیت بوجه محرر حکمه ربط اولنش ایسه ده اجرا دأره سنجه صاتیلان عقارک معامله فراغیه سنک اجراسی حقنده یازیلان تذکره طابو اداره سنده ورود ایدنجیه قدر معاملات اجرائیه یه ختام بولش نظریله باقیله میه جغندن مدعینک معامله اجرائیه ختامندن اول سبب شرعی وجودینی زعم ایتسی شایان قبول اوله میوب آنجق انشا ایتش اولدیغنی ابنیه نک بلا بدل قلعندن ارضه مضرت کلاجکی تحقق ایتدیکی تقدیرده مستحق القلع اوله ورق قیمتک ویرلمسی لازم کلدیکی حالده اشبو قلعک ارضه مضرتی اولدیغنی تحقق ایتمکسزین مستحق القلع اوارق مذکور ابنیه نک قیمتک مدعی علیهن بالتحصیل مدعی یه اعطاسنه حکم ویرلمسی مخالف قانون اولدیغندن اصول محاکمه حقوقیه قانوننک ایکنوز قرق برنجی ماده سی موجبجه اعلام مذکورک نقضیه قانون مزبورک ایکنوز قرق دردنجی ماده سی حکمنه توفیقاً کیفیتک صورت مشروحه دأره سنده بالرؤیه اعلامه ربطی ضمنتده محکمه مذکوریه اعاده سنده ومستدعی تمیزک فقر حالته مبنی خرج تعرفه سنک ماده معدله سی موجبجه مصارف تمیزیه دن تأجیل ایدیلان قسمی ایله استیفا قلنان قسملرک زیرده مفردات ومعطیسی کوسترلش اولدیغندن بونلرکده ایلروده حقسز جیفه جق طرفه عأد اولسنه ۲۸ حیزران ۳۳۰ تاریخنده متفقاً قرار ویرلیدی .

محکمہ تمیز حقوق دأره سنده صادر اولان ۲۱ شباط ۳۳۰ تاریخ ۱۵۷۴ نومردی اعلام صوریه بر .

« مدعی علیک شهود طرفندن اخبار اولنان اقراری محکمه جه قرائن حکمدن عد ایدیلنه من »

شامشریفک ثمن العقیبه سناه محله سنده مقیم ژاندارمه ملازم ملکندن متقاعد موسی پاشا زاده سعید بک ایلله

باب الجابیه محله سنده ساکنه برادری عبدالرزاق بکک زوجة متروکسی واولاد صغاری وصیه سی عدله خام میانه سنده متکون دعوایه دائر سوریه ولایتی استیناف محکمه سندن ۲۰ نیشان سنه ۳۳۰ تاریخی و او تو ز بش عدلیه ویریلوب مومی الیه سعید بک طرفندن تمیزاً تدقیق استدا قلنان اعلام باش مدعی عمومیلک مأموریت علیه سنک مطالعه نامه سی آلتدقدن صکره طرفینک اعتراض وجواب لایحه لریله برابر بالمطالعه تدقیقات تمیزیه اجراسنه ابتدار قلندی .

اعلام مذکور مندرجاتنه نظراً مومی الیها عدله خانمک زوجی متوفا مومی الیه عبدالرزاق بکدن کندوسیه وصیه سی بولندیخی اولاد صغاری احمد وموسی وبدیعهیه منتقل وجنس ونوعی معلوم حیوانات اهلیه وحبوبات متنوعه واشیای بیتیهی مومی الیه سعید بک ترکدن غصب ایش اولدیغندن بحثله مغضوبات مذکوره نك مرابعلردن قبض ایتدیکی سکز یوز غروشه بالغ اولدیخی التمش سکز بیک سکز یوز یتیش یدی غروشک تحصیله دائر استحصال ایلدیکی اعلام غیابی اوزرینه عندالاعتراض بالحاکمه اصولاً وشهادة ثابت اولان یکریمی بر بیک کسور غروشدن قاصر دیگر وارثه بدریه نك معلومه حصه سنک بالتزویل اون سکز بیک یدی یوز کسور غروشک تحصیله وزیاده مدعی بهدن طولای مدعیه نك منع معارضه سنی ومصارف غیاییه نك معترضه ومحاكمة اعتراضیه مصرفنک مناصقه طرفینه عائدیتنه دائر ویریلان اعلامک استینافاً تدقیقنه لدی الابتدار وظیفهیه وشهادت واقعه نك حضور حاکمک غیریده وقوعنه دائر سرد ایدلمش اولان اعتراضاتک ردی قرار کی اولدقدن صکره بو باده اجرا قلنان تدقیقات ومحاکمت استینافیه نتیجه سنده مدعی بهدن سکز یوز غروشک نه صورتله آلتدیخی ایضاح ایدلمش ومثلیاتدن بر قسیمی حبوبات اتمانندن عبارت بولنش اولسنه بناء مدعیه نك اشبو سکز یوز غروش حقتنه محکمه عاده سنه مراجعتنه مختار اولق اوزره بو پاره ایله حبوبات اثمائی محکوم بهدن بالتزویل حبوبات متنوعه مدعاهانک عیناً ومثلاً ومتباقی درت بیک درت یوزسکسان بش غروشک نقداً مستأنف سعید بکدن تحصیله مستأنف علیها عدله خانمه اعطاسی حقتنه صادر اولان اعلامک تمیزاً بالتدقیق شهادت واقعه نك حضور حاکمک غیری محله کی اقراره مستند وامارات دخی مفقود بولندیغنک نظر دفته آلتامش اولسندن طولای نقض واعاده اولنسی اوزرینه مدعی عمومی حضوریه نقض واقع دائره سنده تکرار اجرای محاکمه یه لدی الابتدار مدعیه مومی الیه یوز لیرا ویرمک اوزره مدعی علیه صلحه طالب اولدیغنی اثبات ایده جکنی بیان وادعا ایلسندن ناشی محکمه جه مدعیه نك اقامه ایده جکی شهودک استماعی قرار کی اولدقدن صکره جریان ایدن محاکمه وتدقیقات نتیجه سنده مستأنف سعید بکک اعلام استینافی سابقک صدورندن صکره مبلغ محکوم بهه مقابل مستأنف علیها یوز عدد فرانسز لیراسی اعطا ایتک اوزره صلحه طالب اولدیغنی شهود مستمعه مبدله نك شهادتی ایله ثابت اولسنه وبرمالدن صلحه طالب اولق اول مالی اقرار دیمک اولدیغنه وشو حال اقرار واقعه نك صحتنه دلالت ایدر اماراتدن بولندیغنه بناء مدعی بهدن جواباتک عیناً واشیا بدلتک نقداً تحصیله حکم وقرار ویرلیدی کلاشلمشدر .

مستدعی تمیز طرفندن ویریلان لایحه ده شهادت واقعه ده اقرارک صحتنه دلالت ایدر اماره بولنش واول و اخر اعطا اولنان حکملرده زیادهیه متعلق دعوی سبق ایتدیکی حالده بو کره یوز کیله فضله خطه ایله محکوم ایدلمش اولدیغندن وافادات سائر ددن بحثله اعلامک نفی ولایحه جوابیه ده دخی اعلام مذکورک تصدیق طلب واستدا ایدلمش ومطالعه نامه مفادی ایسه شهود مستمعه حقتنه سرد ایدیلن طعنک تدقیق ایدلامسی یولسز ایدوکنی بیاندن عبارت بولنشدر .

ایجاب کیفیت مذاکره اولدقدن اعلام مذکور مألندن منضم اولدیغنی اولدیغنی اوزره محکمه تمیزک نفی اوزرینه بتکرار اجرا قلنان محاکمه اثناسنده مدعیه ، شهود طرفندن اخبار اولنان مدعی علیه اقرارینی تأیید ایده جک قرائندن اولق اوزره بعدالتقض مدعی علیه طالب صلح اولدیغنی بیان ایش وبو باده اقامه واستماع اولنان شهودک اخباراتی محکمه جه قرائندن عداولنه رق بر منوال محرر قرار ویرلمش ایسه ده اخبارات مذکوره دخی خارجاً وقوعبولان اقراره شهادت قیلندن اولدیغنی جهته اقرار سابق تأیید ایده جک قرائندن معدود اولامایه جفی درکار ایکن محکمه جه اخبارات مذکوره نك قبولیه حکم سابق وجهله قرار ویرلسی ومبادی دعوی عرضخالنده ذخائر حقتنه بر کونه دعوی سبق ایتدیکی حالده حکم محالنده ذخائر کده دین ایله برابر تحت حکمه آلتسی یولسز ومغایر قانون اولدیغندن اصول محاکمه حقوقیه قانوننک ایکی یوز او تو ز ایکنجی ماده سی موجبجه اعلام مذکورک نقضیه قانون مزبورک ایکی یوز قرق دردنجی ماده سی حکمه نوبقاً کیفیتک بالرؤیه اعلامه ربطی ضمننده محکمه مذکوره یه اعاده سنه وزیرده مفرداتی ومعطیسای محرر مصارف تمیزیه نك ایلروده حقنر حقیقه جق طرفه عائد اولسنه ۱۱ ایلول سنه ۳۳۰ تاریخنده متفقاً قرار ویرلدی .

محکمہ تمیز استدا دائرہ سوریه

محکمہ تمیز استدا دائرہ سوریه صادر اولوب ۵ اگستوس ۳۳۱ تاریخنده قراره ربط اولنان اعلام صورنیر:

« اورمان تخریباتنه متعلق مواد جرمیه نك رؤیتی محاکم صلیحه نك دائره صلاحیتندن خارجدر . »

کنگری سنجاغی بدایت محکمه سی جزا دائره سندن استینافاً تنظیم واعطا قلنان ۲۹ مارت سنه ۳۳۱ تاریخی واون بش نومرولی اعلامک تمیزاً تدقیقنی مستدعی محلی اورمان اداره سی جانبندن معطا استدا نامه ایله اوراق مقررعه سی باش مدعی عمومیلک مأموریت علیه سندن با تبلیغنامه محکمه تمیز استدا دائره سنه تودیع اولنش ولدی التدقیق مذکور استدا نك مدت قانونیه سی ظرفنده اعطا قانیدی کلاشلمش اولدیغندن بالقبول تدقیقات تمیزیه اجراسنه ابتدار ایدلدی .

اعلام مذکور خلاصه مالی میری اومانندن بلا رخصت اشجار قطع ایدلیکی ادعاسیله مظنون علیه اولان رجبک برائته دائر بدایه لاحق اولان حکمک عند الاستیناف موافقت قانونیه سندن بمحله تصدیقه قرار ویرلدیکی متضمندر .

تمیز استدعایه سنده مظنون رجبک فعل مدعا به مجاسرتی ضبط ورقه سنده محرر شهودک مشهوداتی وکندوسنک اقراری ایله ثابت اولدینی حالده درجه اولی محکمه سنجه بوراسی نظر دفته المنقصرین مظنون مرقومک بر وجه محرر برائته دائر اتخاذ اولنان قرارک عند الاستیناف تصدیقه قرار ویرلمسی مخالف اصول وقانون ایدوکنندن بمحله اعلام استینافینک نقضی استدعا قلدینی کبی تبلیغنامه ده دخی صلح محاکمک صلح قانونیه توفیقاً روایت مآذون اولدقلری مواد منها جزاسی بر سنه حبس ویا طقسان لیرا ضرر وزیانی تجاوز ایتیمان دعاوی به منحصر اولوب اورمان دعوالرنده ایسه جزای نقدی وتضمینات مقداری حد مذکوری تجاوز ایده بیله جکنه نظراً بو قبیل دعاوینک رؤیتی صلح محاکمک وظیفه سی خارجنده اولدینی حالده دعاوی حاضره نک اول ونمسی مقتضی ایکن محکمه مذکوره جده اشبو وظیفه مسئله سنک تدقیقندن ذهول اولنمش و ذکر اولنان تمیز استدعایه سی بو طریقله وارد بولنمش اولدینی بیانیله اعلام مذکورک نقضی طلب اولنمشدر .

ایجاب کیفیت لدی المذاکره اورمان تخریباته متعلق مواد جرمیه دن طولانی اورمان نظامنامه سی احکامه توفیقاً تحت حکمه آله حق جزای نقدی قطعیات وتخریباتک مقدارینه کوره طقسان لیرای تجاوز ایده بیله جکنه نظراً مواد مذکوره به متدائر دعوانک حل وتدقیقی آنحق نظامات خصوصیه ده منتهاسی بر سنه حبس وطقسان لیرا جزای نقدی ایجاب ایدن جرائم حفنده کی دعاوی بی رؤیته صلاحیتدار بولنان محاکم صلحیه نک قانون مخصوصه تمید ایدیلن وظائفندن خارج اولسنه مبنی عند الاستیناف درجه اولی محکمه سنجه صلح صقیله اتخاذ اولنان حکمک وظیفه نقطه سندن فسخیله ایشک مجرای قانونیه ارجاعی لازم ایکن تصدیق ایدلمسی بولسز ومغایر اصول وقانون اولغله اصول محاکمات جزایه قانوننک اوچوز اون دردنجی و اوچوز اون طقوزنجی ماده لری منطوقجه اعلام میز بهک بوسبیدن تفصیله احکام قانونیه دائره سنده ایفای معامله اولنمق اوزره اوراق دعوانک محله اعاده سنه وایکیوز غروش اعلام خرجنک تعرفه وتعلیمات مخصوصه سی موجبجه ایلروده حقسنر چیقان طرفدن استیفاسنه ۵ اغستوس سنه ۳۳۱ تاریخنده متفقاً قرار ویرلدی .

محکم تمیز استدعا دائره سنده صادر اولوب ۱۰ اغستوس ۳۳۱ تاریخنده قراره ربط اولنان اعلام صورتیه :

«تحت تصرفلرنده کی اراضی داخلنده خصوصات ذاتیه لینه قارشو صرف ایدلمک اوزره کیرچ اعمال واحراق ایدنلر رخصت استحصالنه مجبور دکلدن .»

قسطمونی ولایتی مرکز بدایت محکمه سی جزا دائره سندن استینافاً تنظیم واعطا قلنان ۷ مارت سنه ۳۳۱

تاریخی ویکرمی سکز نومرولی اعلامک تمیزاً تدقیقی مستدعی محلی اورمان اداره سی جانبندن معطی استدعایه ایله اوراق متضرعه سی باش مدعی عمومیلک مأموریت علیه سندن باتبلیغنامه محکمه تمیز استدعا دائره سنه تودیع اولنمش ولدی التدقیق مذکور استدعایه نک مدت قانونیه سی ظرفنده اعطا قلدینی اکلشلمش اولدیغندن بالقبول تدقیقات تمیزیه اجراسنه ابتدار ایدلدی .

اعلام مذکورک خلاصه مالی بلار رخصت میری اورمانی داخلنده اوجاق کشاد و کیرچ عمل ایتدکلری ادعاسیله مظنون علیهم اولان دلی بالطه اوغلی محمد ایله رفقاسنک یکرمی لیرا جزای نقدی ایله محکومیتلرینه و اوجاگک بالمزایده فروخته دائر بدایه لاحق اولان حکمک عند الاستیناف فسخیله سبق ایدن تدقیقات نتیجه سنده مظنون مرقومونک متصرف اولدقلری اراضیده پراکنده صورتیه طوبلامش اولدقلری طاشی فرونده یا قهرق انشآت واعمالات ذاتیه لری ایچون کیرچ اعمال ایتدکلری مرتبه ثبوتیه واصل اولسنه نظراً طاش اوجاقلری نظامنامه سنک اوتوز برنجی ماده سنه کوره اشبو فعللری بر جرم تشکیل ایتدیکندن بمحله اورمان اداره سی طرفندن واقع اولان معارضه نک منعه قرار ویرلدیکی متضمندر .

لایحه تمیزیه ده مظنونلرک کندی اراضیلری داخلنده بلا رخصت اجرای عملیات ایللری موجب مجازات اولدینی کبی طاش اخراج اولنان محاکم مظنون مرقومونک تحت تصرفلرنده اولدیغنه دائر هیچ برکونا دلائل ثبوتیه وثیقّه قانونیه ده غیر موجود بولندیغنه دائر اعتراضات سردیله اعلام استینافینک نقضی استدعا قلدینی کبی تبلیغنامه ده دخی مظنونلرکندی اراضیلری داخلنده کیرچ اعمال ایتمش اولدقلری استینافاً جریان ایدن محاکمه ده بیان ایتلرینه مبنی حاصل اولان مسئله مستأخره نک محکمه عاذه سنجه حل وفصل ایتدیرلمسی لزومندن ذهول ایدلش وکندی اراضیلری داخلنده اعمال ایتمش اولدقلری تقدیرده دخی رخصت رسمیه استحصال ایتماش اولملرینه کوره مستلزم جزا اولوب اولمیدینی تدقیق قلنماش اولمسی مخالف قانون اولوب مذکور لایحه ده بوکا متدائر اولان اعتراضات وارد اولدینی بیانیله مذکور اعلامک نقضی طلب اولنمشدر .

ایجاب کیفیت لدی المذاکره کندی تحت تصرفلرنده بولنان اراضی داخلنده خصوصات ذاتیه لینه صرف ایدلمک اوزره کیرچ اعمال واحراق ایدنلر ایچون نظامنامه مخصوصه ده بیان ایدلیکی اوزره بوبابده رخصت استحصالنه حاجت اولماسنه مبنی لایحه تمیزیه ایله تبلیغنامه ده بوجهته متعلق درمیان ایدیلن اعتراض غیر وارد اولوب انحق کیرچ اعمال ایدیلن محاکم مظنون علیهمه کیفیت عاذه تی علی الاصول ایجاب ایدن تدقیقات نتیجه سنه مستدالوق لازم ایکن محکمه استینافیه جه بوجهته نظر دفته آلمیه رق مرقومونک قول مجردلرینه عطفاً محل مذکورک کندیلرینه عاذه تی ذهابیه برمنوال محرر قرار ویرلمسی بولسز ومغایر قانون اولغله اصول محاکمات جزایه قانوننک اوچوز اون دردنجی و اوچوز اون طقوزنجی ماده لری منطوقجه اعلام میز بهک یالکیز بوسبیدن تفصیله احکام قانونیه دائره سنده ایفای معامله اولنمق اوزره اوراق دعوانک محله اعاده سنه وایکیوز غروش اعلام خرجنک تعرفه وتعلیمات مخصوصه سی موجبجه ایلروده حقسنر چیقان طرفدن استیفاسنه ۱۰ اغستوس سنه ۳۳۱ تاریخنده متفقاً قرار ویرلدی .

ایجاب کیفیت لدى المذاکره محکمہ استینافیه جه مظنون علیه قوزمه نك تحديد جزاسنه دائر بدایه ویریلن حکمی مصدق اولان قرار غیابینک مرقوم طرفدن معطی اعتراض علی الحکم استدعایه سنی اوزرینه کائن لم یکن عدلیه مرقومک عدم مسئولیتی متضمن تنظیم قلنان اعلام استینافی اسباب قانونیه دن ناشی تمیزاً نقض واعاده ایدلمسی اوزرینه تعیین قلنان یوم محاکمه ده مظنون علیه مزبورک حاضر بولمسنه نظراً عن الغیاب محاکمه اجراسیله تعیین ایده جک حاله کوره کیفیتک قراره ربطی مقتضی ایکن شو صورتیه توفیق معامله اولمایوبده مرقومک یوم مذکورده عدم اجابتدن بحثله سالف الذکر اعتراض استدعایه سنیک ردینه قرار ویرلمسی یولسز ومغایر اصول وقانون اولمغله اصول محاکمات جزائییه قانوننک اوچوز اون دردنجی و اوچوز اون طقوزنجی ماده لری منطوقجه اعلام میزیهک تقضیه احکام قانونیه دائره سنده ایفای معامله اولمغله اوزره اوراقک محله اعاده سنه وایکیوز غروش اعلام خرجنک بالاخره حقسنز چیقان طرفدن استیفاسنه ۱۸ اغستوس سنه ۳۳۱ تاریخنده متفقاً قرار ویرلدی .

محکمہ تمیز استدعا دائره سنده صادر اولوب ۲۳ اغستوس ۳۳۱ تاریخنده قراره ربط اولنانه اعلام صورتیدر :

« تصحیح سن مستدعی سنک اولجه مجلس اداره جه تصحیح سنی اجرا ایدلدیکی محاکمه اثنا سنده نفوس مأموری طرفدن بیان ایدلمش وثبوت بولمش اولدیغنه کوره تکرار تصحیح سنی جائز اولاماز . »

معموره العزیز ولایتی مرکز بدایت محکمہ سنی حقوق دائره سندن تنظیم واعطا ومحلی مدعی عمومیلکی جانبندن مدت قانونیه سنی ظرفده تمیزاً تدقیق استدعا قلنان ۱۳ مایس سنه ۳۳۱ تاریخ والتمش سکنز نومرولی اعلام واوراق متفرعه سنی باش مدعی عمومیلک مأموریت علیه سنک مطالعه نامه سیله برلشدیریلهرک محکمہ تمیز استدعا دائره سنده مطالعه وتدقیق اولندی .

اعلام مذکورک خلاصه مآلی عبداللهک تصحیح سنی حقنده واقع اولان مراجعتی اوزرینه اجرا قلنان تدقیقات نتیجه سنده مرقومک اوچوز اون درت تولدی اولوب الیوم اون یدی یاشنده بولندینی شهود مستمعنک شهاداتی ونفوس مدیریتک درکناری مندرجاتی ایله ثابت اولمسنن ناشی بر موجب طلب نفوس قانوننک اون برنجی ماده سنی موجبجه اولوجه ایله سننک تصحیحجه قرار ویرلدیکی متضمندر .

تمیز استدعاسنده کینه سنک اوچوز اون ایکی تولدیلر میاننده جهت عسکریه تودیع اولندینی اکلالمش ومرقومک اولجه سبق ایدن استدعایی اوزرینه مجلس اداره جه تصحیح سنی اجرا ایدلمش اولمسنه کوره تکرار تصحیحجه مساع قانونی بولنامش اولدیغنه دائر اعتراضات سردیله اعلام مذکورک نقض استدعا قلندینی کبی مطالعه نامه ده دخی ذکر اولنان اعتراضاتک قرارنامه مندرجاتنه نظراً وارد اولدینی بیانیله مذکور قرارنامه نك نقضی طلب اولمشدر .

ایجاب کیفیت لدى المذاکره مندرجات اعلامدن منضم اولدینی اوزره صاحب سن عبداللهک اولجه مراجعت واقع سنی اوزرینه مجلس اداره جه تصحیح سنی اجرا ایدلمش اولدینی انشای محاکمه ده نفوس مأموری جانبندن بیان وادعا قلتمش وادعای مذکورک ثبوتی حالده تکرار تصحیحجه مساع قانونی بولنامش ایکن محکمہ جه ذات دعوایه تأثیری درکار اولان شو ادعایه عطف نظر دقت اولنقسنزین بر وجه محرر قرار اعطاسی یولسز ومغایر اصول وقانون اولمغله اعلام میزیهک تقضیه احکام قانونیه دائره سنده ایفای معامله اولمغله اوزره اوراقک محله اعاده سنه ۲۳ اغستوس سنه ۳۳۱ تاریخنده متفقاً قرار ویرلدی .

محکمہ تمیز استدعا دائره سنده صادر اولوب ۲۳ اغستوس ۳۳۱ تاریخنده قراره ربط اولنانه اعلام صورتیدر :

« تمنا قانوننک قرق سکنزنجی ماده سنده دوائر رسمیه یه ویریلن ورسم مقطوع تعرفه سنک الی اوچنجی واللی بشنجی نومرولرنده محرر بولنان اوراق پولسز ویا پولی نقصان اولارق قبول ایدن مأموریندن یاریم عثمانلی لیراسی جزای نقدی اخذ اولنه جفی مصرح اولدیغندن برمثلی جزای نقدی آلنه ماز »

رسم تمنا جزای تقدیسندن طولایی از میر تجارت محکمہ سندن تنظیم واعطا وفرخ افندی جانبندن شرائط لازمه سنی بالایفا مدت قانونیه سنی ظرفده تمیزاً تدقیق استدعا قلنان ۲۰ کانون ثانی ۳۳۰ تاریخ وایکیوز اون یدی نومرولی قرارنامه واوراق متفرعه سنی باش مدعی عمومیلک مأموریت علیه سنک مطالعه نامه سیله برلشدیریلهرک محکمہ تمیز استدعا دائره سنده مطالعه وتدقیق اولندی .

مذکور قرارنامه نك خلاصه مفادی حجز احتیاطی قراری استحصال ایدلمک اوزره محکمہ یه ابراز اولنان اوچ قطعه صائیش فاطوره سنی زیرینه یازیلان مقبوض شرحلرینه آرو آرو پول الصاق ایدلمش اولمسنن ناشی حاملی مصطفی عادل بکدن یکرمی پاره لک مقطوع پول ایله یدی یوزاللی غروش جزای تقدینک اخذینه ومذکور فاطوره لر اوزرینه معامله اجرا ایدن کاتب عدل مستدعی تمیز فرخ افندیدن تمنا قانوننک قرق سکنزنجی ماده سنی حکمنه توفیقاً جزای نقدی مذکورک برمثلیک تحصیلنه قرار ویرلدیکی متضمندر .

تمیز استدعایه سنده محکمہ محلیه جه مسئله حاضره حقنده مابه التطبیق اتخاذ اولنان ماده قانونیه نك عدم مطابقندن بحثله قرارنامه مذکورک نقض استدعا قلندینی کبی مطالعه نامه ده دخی حجز احتیاطی قرارینک استحصالی ضمیمه محکمہ یه تودیع اولنان صائیش فاطوره سنی زیرینه یازیلان اوچ عدد شرح زیرینه آری آری الصاقی لازم کلان ایکیشیر یوز الی غروشندن جمعاً یدی یوز الی غروش جزای تقدینک حاملندن وپولسز اولدینی حالده معامله یامش اولمسنن طولایی فرح افندیدن قرق سکنزنجی ماده موجبجه یارمشر لیرا جزای نقدی اخذی ایجاب ایدرکن بر مثلی جزای تقدینک تحصیلنه قرار ویرلمش اولمسی مخالف قانون اولوب تمیز استدعایه سنی مندرجاتی بو طریقله وارد اولدینی بیانیله مذکور قرارنامه نك نقضی طلب اولمشدر .

ايجاب كيفيت لى المذاكره محكمه جه مابه التطبيق اتخاذ اولنان رسم تمغا قانوننك قرق سكرنجى ماده سنده دوائر رسميه ويريلاں ورسم مقطوع تعرفه سنك اللى اوچنجى واللى دردنجى واللى بشنجى نومرولرنده محرر بولنان اوراق پولسز ويا پولى نقصان اولدينى حالده قبول ويا بونبرحقنده معامله اجرا ايلان مأموريندن يارمشر عثمانلى ليراسى جزاى نقدى اخذ اولنه جنى محرر اولدينى حالده مومى اليه فرخ افنديدن ماده مذكوره حكمه توفيقاً بر مثلى جزاى نقدى استيفاسنه دائر اتخاذ اولنان قرارده تطبيق قانونى نقطه سنجه اصابت كوريله مديكندن ميزبه قرارنامه نك مومى اليه عائد فقره سنك تفصيله احكام قانونيه دائره سنده ايفاي معامله اولنق اوزره اوراقنك محله و مبلغ محكوم بهك مستدعى عاده سنده وايكوز غروش اعلام خارجنك بالاخره حقسز چقان طرفدن استيفاسنه ٢٣ اغستوس ١٣٣١ تاريخند، متفقاً قرار ويرلدى .

محكمه تميز استدعا دائره سنده صادر اولوب ٢٣ اغستوس ١٣٣١ تاريخند قراره ربط اولنان اعلام صورتيه:

« محاكم حقوقيه عائدتي ، نفوس قانوننده مصرح اولان دعاوى تصحيح سن ومتفرعاته منحصر اولوب متوفانك وفاتى نفوس اداره سنده اخبار ايتهمك ماده سى حقوق محكمه سى نك وظيفه سى خارجنده در . »

آطه ولايتى بدایت محكمه سى حقوق دائره سندن صادر اولان ١٣ حزينان سنه ١٣٣١ تاريخلى وايكوز قرق يدى نومرولى اعلامك تميزينى مستدعى محكمه مذكوره مدعى عمومىلى طرفندن ويريلن استدعانا مه ومتفرعاتى باش مدعى عمومىلك مأموريت عليه سندن با تبليغنامه محكمه تميز استدعا دائره سنده توديع اولمش ولدى التدقيق مذكوره استدعانا مه نك مدت قانونيه سى ظرفنده اعطا قلندينى آكلا شلمش ايدوكندن بالقبول تدقيقات تميزيه اجراسنه ابتدار اولدى

اعلام مذكورك خلاصه مالى آرتين ولد بغوصك كيفيت وفاتى نفوس اداره سنده اخبار ايتديكى ادا اولنان مختار يونس حقنده كى دعوانك مرور زمانله سقوطنه قرار ويرلديكى متضمندر

تميز استدعانا مه سنده جرم مذكورك تمدى ايتش اولسنه نظراً مرور زمان حدى موضوع بحث اوله مایه جنى بدیهى ايكن بر منوال محرر قرار ويرلمى مغاير قانون ايدوكندن بخله اعلام مذكورك نقضى استدعا اولمش وتبليغنامه ده دخی نفوس وقوعاتى اخبار ايتيانلر حقنده قانوناً معين اولان مجازات نقديه حكم اولنمازدن اول اصولاً طلب وقوعبولدينى حالده اعطاسنده تردد وقوعنك تدقيقى مقتضى اولدينى كى ثبوتى حالده دخی انحق جزا محكمه سنجه مجازات تعيين اولنه بيله چكى بدیهى اولسنه قارشو محكمه مذكوره جه خصوصات مسروده تدقيق اولنقسزین بر منوال محرر اساس ماده نك تدقيقه حكمه ربط اولنمى مستلزم نقض احوالدين اولوب تميز استدعانا مه سى مندرجاتى بو طريقله وارد وبجا كورلمش اولمغه اعلام ميزبهك ذكر اولنان سببه بناءً نقضى طلب اولنمشدر

ايجاب كيفيت لى المذاكره سجل نفوس قانوننك اون برنجى ماده معدله سنده محاكم حقوقيه عائدتي كوستريلن دعاوى صرف تصحيح سن واسم وقيد معاملاتنه منحصر اولوب قانون مذكوره احكامه مخالف وجزاى نقدى مستلزم اولان افعالدين طولايى مظنون اشخاصك اجراى محاكمات وتعيين مجازاتى خصوصى جزا قسمه عائد اولسنه مبنى محلى حقوق محكمه سنجه وظيفه نقطه سندن ردى لازم كلن دعاوى واقعه بالقبول رؤيته مسارعته بوجه محرر قرار اعطاسى يولسز ومغاير اصول وقانون اولمغه اعلام ميزبهك تفصيله احكام قانونيه دائره سنده ايفاي معامله اولنق اوزره اوراق متعلقه سنك محكمه مذكوره عاده سنده ٢٣ اغستوس سنه ١٣٣١ تاريخنده متفقاً قرار ويرلدى

محكمه تميز استدعا دائره سنده صادر اولوب ٢٥ اغستوس ١٣٣١ تاريخند قراره ربط اولنان اعلام صورتيه:

« تصحيح سن وقيد واسم معاملاتنه عائد دعاوى يا صاحب سنك يا خود دوائر متعلقه سنك كوستره چكى لزوم اوزرينه مدعى عمومىلك مراجعتى اوزرينه رؤيت ايديله بيلير . »

طاشكويرى قضاسى بدایت محكمه سندن تنظيم واعطا ومحلى مدعى عمومىلكى جانبدن تميزاً تدقيقى استدعا قلنان ٤ حزينان سنه ١٣٣١ تاريخلى ويكرمى ايكنى نومرولى اعلام واوراق متفرعه سى باش مدعى عمومىلك مأموريت عليه سنك مطالعه نامه سيله برلشديريله رك محكمه تميز استدعا دائره سنده مطالعه تدقيق اولدى . اعلام مذكورك خلاصه مالى اغوب اوغلى كيره كوزك تصحيح سنى حقنده اخذ عسكر شعبه سى رياستندن ويريلن مذكوره اوزرينه اجرا قلنان تدقيقات نتيجه سنده حقوق عموميه ونفوس مأمورلرينك ادعائى وجهله مرقوم كيره كوزك قرق ياشنده اولديغنك اثبات ايدلمسنة قرار ويرلمش ايسه ده شو جهت اثبات ايديله مامش اولسنه مبنى مزبورك بيك ايكوز سكرسان اوچ تولدى اولوب ايووم قرق سكرز ياشنده بولندينى اهل خبره لرك اخباراتى ايله تحقق ايلش اولديغندن نفوس قانوننك اون برنجى ماده سى موجبجه مرقومك اول وجه ايله نفوس جديده سنده اجراى قيدنه قرار ويرلديكى متضمندر .

تميز استدعا نامه سنده محكمه محليه جه نفوس مأمورى ايله حقوق عموميه مأموريتندن اثبات مدعا اولنسنه قرار ويرلمش ايكن بالاخره قرار مذكوره مخالف اوله رق اهل خبره نك اخباراتنه بناءً بوجه محرر اتخاذ قرار اولنمش وتاريخ تولدك مدعى عليه صفتنده بولنان كيره كوزك انكارى حالده نفوس مأمورينك ادعاسنى اثبات ايلمى لازمه قانونيه دن ايكن بونقطه مهمه رعايت ايدلمه رك مرقوم كيره كوزك مدعى صفتنده بولنديلمش اولمى مخالف اصول وقانون ايدوكندن بخله اعلام مذكوره نقضى استعا قلندينى كى مطالعه نامه ده دخی ايلك جلسه محاكمه استماع ايديلن شهودك على الاصول سرأ وعلناً تركيه سيله ومرقوم حصر شهادت ايتديكى تقديرده ديكر شهودك دخی استماعيله قرار اعطاسى لازم كلور ايكن بويولده معامله ايفا ايدلمامش اولمى ونفوس مأمورى طرفندن

درمیان ایدیان تدقیقاتك عدم ایفای اسبابك اراءه اولغامش بولمسی مستلزم نقض احوالدين كورلمش و بناء عليه استدعانا مده بوكا آتاس اعتراضات بجا اولدی بیانیله مذکور اعلامك بوسیله ردن نقضی طلب اولمشدر .

ایجاب کیفیت لدی المذاكره نفوس قانونك اون برنجی ماده معدله سنده مصرح اولدی اوزره تصحیح سن وقید واسم معاملاتنه عائد دعاوینك صاحب سنك و یا خود دوائر متعلقه سنجه کوستریله جك لزومه مبنی مدعی عمومینك مراجعتی اوزرینه رؤیت ایدلمسی مقتضی اولوب مسئله حاضرده ایسه مرقوم کیره کوز تصحیح سنی ادعا ایتیموب بالعکس دائرة عسکریه جه کوستریلن لزوم اوزرینه محلی مدعی عمومیکندن محکمه به مراجعت ایدلمش اولمسنه نظراً كرك مدعی علیه اولان مرقوم کیره کوزدن كرك نفوس مأمورندن بینه طلب ایدلمسی یولسز اولدی کبی بو قبیل دعاوینك شهود و محلفه نك شهادتی و یا خود و ثائق معتبره ایله اثبات ایدلمسی ماده مذکوره احکامندن ایکن محکمه جه اصول محاکمه حقوقیه قانونه توفیقاً اهل خبره نصیله بوجه محرر قرار اعطاسی یولسز و مغایر اصول و قانون اولغله اعلام ممیز بهك اسباب مشروحه به مبنی نقضیه احکام قانونیه دائره سنده ابفای معامله اولمق اوزره اوراقك محله اعاده سته ۲۵ اگستوس سنه ۳۳۱ تاریخده متفقاً قرار ویرلدی .

محکمۀ تمیز استدعا دائره سنده صادر اولوب ۲۹ اگستوس ۳۳۱ تاریخده قراره ربط اولان اعلام صورته در .

« صاحب سنك مقید اولدی تاریخده متولد اولدیغك خلافتی مثبت شهادت و یا وثیقه تحری اولمقسزین مجرد تقدیر ایله مرقومك دیگر بر یا شده بولوندی حقه قرار اتخاذی مخالف قانوندر . »

بیروت ولایتی مرکز بدایت محکمه سی حقوق دائره سندن تنظیم واعطا و محلی مدعی عمومیلکی جانبندن تمیزاً تدقیق استدعا قلنان ۸ حزران سنه ۳۳۱ تاریخلی اعلام و اوراق متفرعه سی باش مدعی عمومیلک مأموریت علیه سنك تبلیغنامه سیله برلشدیریلرک محکمه تمیز استدعا دائره سنده مطالعه و تدقیق اولندی .

اعلام مذکورک خلاصه مالی قتل ماده سندن طولانی مظنون علیه یوسف بن حاجی احمد نصارك تصحیح سنی حقه سنده مستطقلکدن ویریلن مذکره اوزرینه اجرا قلنان تدقیقات نتیجه سنده هر تقدیر مرقوم یوسفك صیدا نفوس مدیریتدن کوندربلان قید صورتنده سجل نفوسده اوچیز اون یدی تولدیه مقید بولندی درمیان اولمقده ایسه ده مرقومك انحق اون ایکی یاشنده اولدی محکمه جه بالتقدیر آکلاشلمش اولمسندن ناشی کیفیتك اول وجه ایله مدعی عمومیلکه جواباً اشعارینه قرار ویرلدیکنی متضمندر .

تمیز استدعا نامه سنده صیدا نفوس مدیریتدن لدی الاستعلام وارد اولان جوابده مرقوم یوسفك سجل نفوسده اوچیز اون یدی تولدیه مقید بولندی بیان ایدلمش ایکن محکمه محلیه جه بوراسی نظر دقه آلمقسزین بوجه محرر اتخاذ قرار اولمسی یولسز و مستلزم نقض احوالدين ایدوکندن بحثله ذکر اولان اعلامك نقضی استدعا قلندی کبی مطالعه نامه ده دخی تقدیر سن مسئله سنك شهادت و وثائقه استنادی لزومه قارشو دعوای

حاضرده بوقاعده به رعایت ایدلمکسزین مرقومك محکمه جه اون ایکی یاشنده اولدیغك تقدیر ایدلدیکنندن بحثله اکتفا ایدلمش اولمسی مغایر قانون اولدی بیانیله مذکور قرارك بوسیله ردن نقضی طلب اولمشدر .

ایجاب کیفیت لدی المذاكره صاحب سن یوسفك اوچیز اون یدی تولدی اولدی سجل نفوسده مقید بولمش ایکن بونك خلافتی اثبات ایدر شهادت و یا وثائق تحری ایدلمکسزین مجرد تقدیر ایله مرقومك اون ایکی یاشنده اولدی حقه قرار اتخاذی یولسز و مغایر اصول و قانون اولغله اعلام ممیز بهك نقضیه احکام قانونیه دائره سنده ایفای معامله اولمق اوزره اوراقك محله اعاده سته ۲۹ اگستوس سنه ۳۳۱ تاریخده متفقاً قرار ویرلدی .

محکمۀ تمیز جزا دائره سی مقراتی

محکمۀ تمیز جزا دائره سنده صادر اولان ۳ ایلول ۳۳۱ تاریخلی ۲۵۰۸ نومرولی اعلام صورته در :

« مواد جنائیه ده محکومیت غیایه ، محکوم عایهك دردست ایدلمسیه کان لم یکن اولارق قابلیت اجرایه یی اکتساب ایده میه جکندن عفو قانونك محکومین غیایه به شمولی اوله ماز »

سوریه ولایتی استیفاف محکمه سی جزا دائره سندن صادر اولان ۴ شعبان ۳۳۳ و ۳ حزران ۳۳۱ تاریخلی اوچیز تیش بش نومرولی اعلام ایله اوراق متفرعه سی باش مدعی عمومیلک مأموریت علیه سندن ۲۰ شوال ۳۳۳ و ۱۸ اگستوس ۳۳۱ تاریخلی وایکی بیک طقسان ایکی نومرولی تبلیغنامه ایله ۱۹ اگستوس ۳۳۱ تاریخده محکمه تمیز جزا دائره سنده اعطا قلده شددر .

اعلام مذکورک خلاصه مالی اوچیز یکرمی یدی سنه سی کانون ثانیسنك ایکنجی کونی شامك شوپکه محله سندن ابراهیم بن محمد الکاسنك کیفیت قتانه فرعاً ذیمدخل بولندی ادعا قلنسندن دولای جنایتله متهم بولان و غیاباً محکوم ایکن اخیراً دردست ایدیلن باب سربجه محله سی اهالیسندن محمود بن ابراهیم الجیان ابوارکیله نك و جاهاً اجرا قلنان محاکمه سی نتیجه سنده متهم مرقومك قتل مذکورده فرعاً ذیمدخل بولندی ثابت اولدیغدن مجرمیته و قانون جزانك یوز تیش دردنجی و قرق بشنجی ماده لرینه توفیقاً مستحق اولدی اون بش سنه کورک جزاسنك ثلثک تنزیله اون سنه مدته کورکه قونلسنه و مرقومك ۷ تشرین ثانی ۳۳۰ تاریخندن مقدم غیاباً محکوم بولندی جهنله اولابده کی عفو قانونه تطبیقاً مذکور اون سنه کورک جزاسنك تنصیفه ۲۴ کانون اول ۳۳۰ تاریخده حکم اولدیغدن عبارتدر .

تبلیغنامه ده دخی صورت جریان محاکمه سیله جهت تطبیق حقه اعتراضه محل کوریه مدیکی بیانیله اعلام مذکورک تصدیق طلب اولمشدر .

اووای دعوی بعدالمطالعه تدقیقات تمیزیه اجرا اولندقدہ ہر نہ قدر تبلیغنامہ دہ اعلام مذکورک تصدیق طلب اولنیورسہ دہ متہم مرقومک محکومیتنی حاوی مقدما صادر اولان اعلامک غیابی اولسنہ و مواد جنائیہ دہ محکومیت غیابیہ نک محکوم علیہک دردستیلہ کآن لم یکن حکمنده قالہرق قابلیت اجرائیہی اکتساب ایدہ میہ جکنہ نظراً ٦ تشرین ثانی ٣٣٠ تاریخلی عفو قانونک محکومین غیابیہ یہ عدم شمولی درکارایکن مرقوم محمودک محکومیت غیابیہ سندن طولای قانون مذکورہ تطبیقاً مدت محکومہ سنک نصفک تنزیل ایدلسی مخالف قانون اولدیغندن اعلام مذکورک اصول محاکمات جزائیہ قانونک اوچیوز اون دردنجی مادہ سنہ توفیقاً نقضہ واحکام قانونیہ دائرہ سندن ایفای معاملہ اولنق اوزرہ اوراقک محلہ اعادہ سنہ وایکیوز غروش اعلام خرجنک ایلرودہ حقسنر چقہ جق طرفدن تحصیلہ ٢٢ اغستوس ٣٣١ تاریخندہ اکثریتلہ قرار ویرلدی .

محکمہ تمیز جزا دائرہ سندرہ صادر اولان ٣ ایلول ٣٣١ تاریخلی ٢٥١٢ نومرولی اعلام صورنیر :

« مجروحک معاینہ راپوری قطعی المفاد دلکسہ تکرار معاینہ سیلہ قطعی حائر برراپور اخذی لازم کلیر »

ارطغرل سنجائی بدایت محکمی جزا دائرہ سندن صادر اولان ٥ شباط سنہ ٣٣٠ تاریخلی والتمش درت نومرولی اعلام ایلہ اوراق متفرعہ سی باش مدعی عمومیلک مأموریت علیہ سندن ٢٠ شوال سنہ ٣٣٣ و ١٨ اغستوس سنہ ٣٣١ تاریخلی وایکیک یتش درت نومرولی تبلیغنامہ ایلہ ١٩ اغستوس سنہ ٣٣١ تاریخندہ محکمہ تمیز جزا دائرہ سنہ اعطا قلنشد

اعلام مذکورک خلاصہ مندرجاتی اوچیوز اوئوز سنہ سی تشرین اولنک یکرمنجی کیجہ سی کولپازارینک اریچقلر قریہ سندن جمال محمد اوغلی عارفی قتل قصیدیلہ جرح ایلدیکی ادعا قلنمسندن طولای جنایتلہ اتہام اولنان قریہ مذکورہ دن حاجی عمر اوغلی دورمش و عثمان اوغلی حسینک اجرا قلنان محاکمہ لری نتیجہ سندن متہمان مرقومانک سائقہ تہورلہ و قتل قصیدیلہ جرح فعلانہ جرأتلری ثابت اولدیغندن اولوجهلہ مجرمیتلرینہ وحرکتلرینہ توافق ایدن قانون جزانک قرق بشنجی وقرق التنجی و یوز یتش دردنجی مادہ لری احکامہ توفیقاً تقدیر اولنان اون بش سنہ کورک جزاسنک نصفی اولان یدیشر بحق سنہ مدتہ کورکہ قوللریہ ٣١ کانون ثانی سنہ ٣٣٠ تاریخندہ حکم اولندیغندن عبارتدر ذکر اولنان تبلیغنامہ دہ دخی صورت جریان محاکمہ سیلہ جہت تطبیقیہ حقندہ برکونا اعتراضہ محل کوریلہ مدیکی بیانیلہ اعلام مذکورک تصدیق طلب اولنشد

اوراق دعوانک مطالعہ سندن صکرہ تدقیقات تمیزیه اجرا اولندقدہ تبلیغنامہ دہ اعلامک تصدیق طلب اولنقدہ ایسہ دہ مجروحک معاینہ سی حاوی راپورک قطعی اولماسنہ نظراً مرقومک تکرار معاینہ سنک اجراسیلہ قطعی المفاد راپور اخذی لازم کلورکن اشو لزوم قانونیہ رعایت اولنیہرق برمنوال محرر اعطای

حکم اولنسی مخالف قانون اولدیغندن اصول محاکمات جزائیہ قانونک اوچیوز اون دردنجی مادہ سنہ توفیقاً اعلام مذکورک نقضہ واحکام قانونیہ دائرہ سندن ایفای معاملہ اولنق اوزرہ اوراقک محلہ اعادہ سنہ وایکیوز غروش اعلام خرجنک ایلرودہ حقسنر چقہ جق طرفدن تحصیلہ ٢٢ اغستوس سنہ ٣٣١ تاریخندہ متفقاً قرار ویرلدی .

محکمہ تمیز جزا دائرہ سندرہ صادر اولان ٣ ایلول ٣٣١ تاریخلی ٢٥١٤ نومرولی اعلام صورنیر :

« فعل شیع دعواسندہ کی مجرمیت قرارندہ مدعیہ نک جبر وقوعنہ دائر اولان افادہ سیلہ اولبابدہ کی طیب راپورینی تأیید ایدن اسباب ثبوتیہ تصریح ایدلک لازمدر »

حلب ولایتی استیناف محکمہ سی جزا دائرہ سندن صادر اولان ٢٣ شعبان سنہ ٣٣٣ و ٢٣ حزیران سنہ ٣٣١ تاریخلی وسکسان بش نومرولی اعلام ایلہ اوراق متفرعہ سی باش مدعی عمومیلک مأموریت علیہ سندن ٢١ شوال سنہ ٣٣٣ و ١٩ اغستوس ٣٣١ تاریخلی وایکی بیک یوز یکرمی ایکی نومرولی تبلیغنامہ ایلہ ٢٠ اغستوس تاریخندہ محکمہ تمیز جزا دائرہ سنہ اعطا قلنمشدر اعلام مذکورک خلاصہ مآلی بیک اوچیوز اوئوز سنہ سی ایلولی اوللندہ حابک کلنادیہ محلہ سندن وهوبہ بنت عبد الموزینک جبراً بکرینی ازالہ ایلدیکی ادعا قلنمسندن دولای جنایتلہ اتہام اولنان محلہ مذکورہ دن مزبورہ نک اوکی پدری ابراہیم بن احمد العیسانک خفیاً اجرا قلنان محاکمہ سی نتیجہ سندن متہم مرقومک تحت تربیہ سندن بولنان اون ایکی یاشندہ کی کریمہ سی وهوبہ نک جبراً بکرینی ازالہ ایلہ فعل شیع اجرا ایلدیکی ثابت اولدیغندن مجرمیتہ وقانون جزانک یوز طقسان طقوز وایکیوزنجی مادہ لرینہ توفیقاً یدی سنہ مدتہ کورکہ قولنسنہ وضمان بکر اولہرق تقدیر ایدیلان بیک بشیوز غروشک مرقومدن بالتحصیل مزبورہ یہ اعطاسنہ ٢٣ نیسان ٣٣١ تاریخندہ حکم اولندیغندن عبارتدر .

تبلیغنامہ دہ دخی صورت جریان محاکمہ سیلہ جہت تطبیق حقندہ اعتراضہ محل کوریلہ مدیکی بیانیلہ اعلام مذکورک تصدیق طلب اولنشد .

اوراق دعوی بعدالمطالعه تدقیقات تمیزیه اجرا اولندقدہ ہر نہ قدر تبلیغنامہ دہ اعلام مذکورک تصدیق طلب اولنیور ایسہ دہ قرار مجرمیتہ مدعیہ نک فعل شیعک جبراً وقوعنہ دائر بولنان افادہ سیلہ اولبابدہ کی طیب راپورینی تأیید ایدن اسباب ثبوتیہ قانونیہ نک توضیح وارانہ ایدلماش اولسی مخالف قانون اولدیغندن اعلام مذکورک اصول محاکمات جزائیہ قانونک اوچیوز اون دردنجی مادہ سنہ توفیقاً نقضہ واحکام قانونیہ دائرہ سندن ایفای معاملہ اولنق اوزرہ اوراقک محلہ اعادہ سنہ وایکیوز غروش اعلام خرجنک ایلرودہ حقسنر چقہ جق طرفدن تحصیلہ ٢٢ اغستوس سنہ ٣٣١ تاریخندہ اکثریتلہ قرار ویرلدی

محكمة تمييز جزا دائرة سنده صادر اولاده ٣ ايلول ٣٣١ تاريخي ٢٥٢ نومرولى اعلام صورتيه :

« فعل شنيع دعواسنده جبراً قاچيرلىق فعلى اسباب ثبوتيه سنك قرار مجرميته
توضيح ايدلمه مبي مستلزم نقضدر »

قيصرى سنجاغى بدايت محكمه سى جزا دائره سندن صادر اولان ١٨ رجب ٣٣٣ و ١٩ مايس ٣٣١
تاريخي ويكرمى آلتى نومرولى اعلام ايله اوراق متفرعه سى باش مدعى عمومليك مأموريت عليه سندن ٢٤
شوال ٣٣٣ و ٢٢ اغستوس ٣٣١ تاريخي وايكييك يوز قرق بر نومرولى تبليغامه ايله ٢٣ اغستوس ٣٣١
تاريخنده محكمه تمييز جزا دائره سنده اعطا قلمشدر .

اعلام مذكورك خلاصه مندرجاني دوه لو قضا سنك كوي قريه سندن طور مش زوجيه سى شمسى جبراً
قاچيروب فعل شنيع اجرا ايدلىكى ادعاسيله جنايته اتهام اولنان قريه مذكوره دن ابراهيم اوغلى على مخدومى
عثمانك اجرا قلنان محاكمه سى نتيجه سنده متهم مرقومك ذات الزوج اولان مزبورده يي جبراً قاچيروب فعل
شنيع اجرا ايدلىكى ثابت اولديغندن مجرميته وحر كنه توافق ايدن قانون جزانك ايكيوز التنجى ماده سنده
توفيقاً بش سنده مدته كوركه قولمسه ٢٤ تشرين ثاني ٣٣٠ تاريخنده حكم اولنديغندن عبارتدر .

ذكر اولنان تبليغامه ده دخى دعوای مذكوره نك صورت جريان محاكمه سيله جهت تطبيقه سى حقه ده
اعتراضه محل كوريله مديكى بيانيله اعلام مذكورك تصديق طلب اولمشدر .

اوراق دعوانك مطالعه سندن صكره تدقيقات تمييزه اجرا اولندقه تبليغامه ده اعلامك تصديق طلب
اولنيور ايسه ده مزبورده نك صورت جبريه ده قاچيرلديغلك اسباب ثبوتيه كافيه سنك قرار مجرميته بر تفصيل
توضيح وارانله اولنماش اولمى مخالف قانون و مستلزم نقض اولمغه اصول محاكمات جزائيه قانونك اوچوز
اون دردنجي ماده سنده توفيقاً اعلام مذكورك نقضه واحكام قانونيه دائره سنده ايفاي معامله اولنق اوزره
اوراقلك محله اعاده سنده وايكيوز غروش اعلام خرجك ايلوده حق سز چيقه جق طرفدن تحصيله ٢٥
اغستوس ٣٣١ تاريخنده متفقاً قرار ويرلدى .

محكمة تمييز جزا دائرة سنده صادر اولاده ٦ ايلول ٣٣١ تاريخي ٢٥٠١ نومرولى اعلام صورتيه :

« جبراً قيز قاچيرمق قلنك متجاسرلى عفو قانونندن مستفيد دكلدر »

دكزلى سنجاغى بدايت محكمه سى جزا دائره سندن صادر اولان ١٧ جمادى الاول سنده ٣٣٣ و ٢٠ مارت
سنه ٣٣١ تاريخي وايكيوز اون آلتى نومرولى اعلام ايله اوراق متفرعه سى باش مدعى عمومليك مأموريت
عليه سندن ١٧ شوال سنده ٣٣٣ و ١٥ اغستوس ٣٣١ تاريخي وايكى بيك اون يدى نومرولى تبليغامه ايله
١٧ اغستوس ٣٣١ تاريخنده محكمه تمييز جزا دائره سنده اعطا قلمشدر .

اعلام مذكورك خلاصه مالى اوچيوز يكرمى طقوز سنده سى شباطى ظرفنده نيفك آرمودلى قريه سندن
حسين قيزى امينه يي صورت جبريه ده قالد يروب بكرى ازاله ايدلكرى ادعا قلمسندن دولاي جنايته اتهام اولنان
قريه مذكوره دن حمزه بن ولى ولى بن سليمان ولى بن مصطفىانك محكوميتلرينه دائر مقدمه ويريلان اعلام
عند التمييز نقض ايله اعاده قلمسنده واحوال حاضرده دولاي سيله مرقومونك دكزلى توقيف خانه سنده نقل ايدلمش
اولميرينه مبنى دكزلى بدايت محكمه سنده اخيراً اجرا قلنان محاكمه لرى نتيجه سنده متهمون مرقومونك حمزه نك
ذات الزوج اولان مزبورده امينه يي جبراً قالد يروب فعل شنيع اجرا سيله بكرى ازاله ايدلىكى وايكى عليرك دخى
مزبورده نك قاچيرمى امرنده فرعا ذيم دخل بولندقلرى ثابت اولديغندن اولوجهل مجرميتلرينه و صورت حركتلرينه
نظراً حمزه نك قانون جزانك ايكيوز التنجى وحين ايقياع جرمده اولان سكر ياشنى اكل ايتديكى جهتهل قرقجى
ماده لرينه توفيقاً وابتداى تاريخ توقيفى اولان اوچيوز اتوز ايكي سنده سى ربيع الاولك اتوزنجى كونندن
اعتباراً تقدير ايديلان بش سنده كورك جزاسنك نصفى اون ايكي بچق سنده مدتهل حبسه وبش سنده ضبطه نظارتى
آلته النفسه ويكرمى بش ليرا ضمان بكرم مرقومونك بالتحصيل مدعيه اعطاسنه وعليرك مذكور ايكيوز التنجى
وقرق بشنجى ماده لرينه تطبيقاً تقدير ايديلان بشر سنده كورك جزاسنك ثلثلى اولان برر سنده سكر آيك
نزديله اوچر سنده دردر ماه مدترله كوركه قولميرينه و بولردن على بن مصطفىانك حين ايقياع جرمده اون
سكر ياشنى اكل ايتديكنك اكلا شلمسى حسييله قرقجى ماده قانونيه تطبيقاً مذكور اوچ سنده درت ماهك
نصفى اولان يكرمى آى مدتهل حبسه وبش سنده ضبطه نظارتى آلته النفسه و مرقومان حقلرنده كى حكم متوضك
٧ تشرين ثاني سنده ٣٣٠ تاريخندن اول اولميرينه اولباده كى عفو قانونه تطبيقاً نصف جزالرينك بالترزيل
بولردن على بن سليمانك يكرمى ماه ولى بن مصطفىانك ده اون ماه مدترله حبس لرينه ٢٨ شباط سنده ٣٣٠
تاريخنده حكم اولنديغندن عبارتدر .

تبليغامه ده دخى دعوای مذكوره نك حمزه يي متعلق صورت جريان محاكمه سيله قانونه تطبيقى حقه ده
اعتراضه محل كوريله مامش اولديغندن اعلامك مرقومه عائد قسمك تصديق وديكر ايكي عليه كنجيه هتك
عرضه منتهى اولان جبراً قيز قاچيرمق ماده سنك داخل عفو اولماديني حاليه مرقومان حقلرنده عفو قانونك
تطبيق ايدلمش اولمى مغاير قانون كورلمش اولديغندن بحتله اعلام اخيرك ده بوسيدن مرقومانه عائد قسمك
نقضى طلب اولمشدر .

اوراق دعوى بعد المطالعه تدقيقات تمييزه اجرا اولندقه مرقومونك حمزه حقه ده اخيراً جريان ايدن
محاكمه ايله لاحق اولان حكم اصول قانونه موافق بولنديغندن اعلامك مرقومه عائد قسمك تصديقه متفقاً
وعلير حقلرنده تبليغامه ده درميان اولنان اعتراض وارد وبجا بولنديغندن اصول محاكمات جزائيه قانونك
اوچيوز اون دردنجي ماده سنده توفيقاً اعلام اخير مذكور مرقومانه عائد جهتك اكثريتله نقضه واحكام
قانونيه دائره سنده ايفاي معامله اولنق اوزره اوراقلك محله اعاده سنده ويوز غروش تصديق خرجك مرقوم

همزه دن وایکوز غروش نقض اعلامی خرجنک دخی ایلروده حقسنز چقه جق طرفدن محصلینه ۱۹ اغستوس ۳۳۱ تاریخنده قرار ویرلدی .

حکمہ تمیز جزا دائرہ سندن صادر اولان ۶ ایلول ۳۳۱ تاریخلی ۲۵۱۹ نومردلی اعلام صورتیر :

« اسباب مخففه نك صور ثبوتيه سنه عائد احوالك قرار مجرमितه توضيح اولمسی لازمدر »

عینتاب سنجانی بدایت محکمه سی جزا دائرہ سندن صادر اولان ۱۷ جزیران سنه ۳۳۱ تاریخلی واولوز طقوز نومردلی اعلام ایله اوراق متفرعه سی باش مدعی عمومیلک مأموریت علیه سندن ۲۴ شوال سنه ۳۳۳ و ۲۲ اغستوس سنه ۳۳۱ تاریخلی وایکیک یوز الی بش نومردلی تبلیغنامه ایله ۲۳ اغستوس سنه ۳۳۱ تاریخنده محکمه تمیز جزا دائرہ سنه اعطا قلمشدر

اعلام مذکورک خلاصه مندرجانی کلیسک کقرنایه قریه سندن محمد بن قاسمی قتل و محمد علی بن محمد وشعبان ومصطفی بن قاسم کلثومی جرح ایتدکلی ادعا قلمسندنطولای جنایتله اتهام اولنان اشخاصدن قریه مذکورلی جنید اوغلی عبدالسلامک محکومیتنه دائر مقدما صادر اعلام عندالتمیز بعض اسباب قانونیه مبنی نقض ایله اعاده قلمسی اوزرینه اخیراً اجرا قلنان محاکمه نتیجه سنده متهم مرقومک فاعل مستقلی تعیین قابل اوله میه جق صورتده غیاباً محکوم بولنان برادری مصطفی ایله مشترکاً ومن غیر تعدد قتل مذکورہ جرأتی ثابت اولدیغندن اولوجهله مجرमितه وحرکتته توافق ایدن قانون جزانک یوز یتیش دردنجی ویوز سکسانجی واسباب مخففه تقدیریه نك موجودیتی جهتله ده قرق یدنجی ماده لری احکامنه توفیقاً و تنزیلاً تعیین اولنان یدی یحق سنه کورک جزاسنک بش سنه مدته قلعہ بندلکه تحویلده و مرقومک محکومیت منقوضه سنک ۶ تشرین ثانی ۳۳۰ تاریخلی عفو قانوندن مقدم اولغله قانون مذکور موجبجه مدت محکومیت مذکورہ سنکده تنزیله ۲۶ نیسان ۳۳۱ تاریخنده حکم اولندیغندن عبارتدر .

ذکر اولنان تبلیغنامه ده دخی اسباب مخففه دن اولق اوزره کوستریلان و حکومتہ مراجعت ایتمکسزین اراضیسنه مقتولک خودبخود مداخله ایتسندن دولای منازعه نك حدوثه و همشیره سیله مقتولک علاقه و مناسبتده بولندیغنه متعلق بولنان احوال دن مقتول طرفدن اراضییه مداخله و منازعه یه سبب کیفیتک نه صورته سبب مخفف تشکیل ایتدیکنک و همشیره سیله مقتولک علاقه و مناسبتک اشبوقته اسباب مخففه دن عد اوله بیله جک بر درجه ده بر ماهیت مخصوصه یی حاوی اولوب اولدیغنک اطرافیه نظر دقتی آله رق اوکا کوره اسباب واضحه ایله بیان رأی و مطالعه اولتماسی مخالف قانون اولدیغندن بحثله اعلام اخیر مذکورک نقضی طلب اولمشدر .

اوراق دعوانک مطالعه سندن صکره تدقیقات تمیزیه اجرا اولندقدہ اعلام سابقک اسباب نقضیه سندن بری ده اسباب مخففه دن اولق اوزره ذکر اولنان اراضی ماده سنه متفرع منازعه نك و مقتول ایله متهملردن

عبدالسلامک همشیره سی آرہ سنده وجودندن بحث اولنان علاقه نك صور ثبوتیه سنه عائد احوال وکیفیاتک قرار مجرमितه توضیح اولتماش ایکن اعلام اخیره بو بایده یه اسباب ثبوتیه تعداد وارانہ ایدلماش و بوعبارایله تبلیغنامه مندرجاتی وارد و بجا کورلمش اولدیغندن اصول محاکمات جزائیہ قانوننک اوچیوز اون دردنجی ماده سنه توفیقاً اعلام اخیر مذکورک دخی نقضه و احکام قانونیه دائرہ سنده ایفای معامله اولنق اوزره اوراقنک محله اعاده سنه وایکوز غروش اعلام خرجنک ایلروده حقسنز چقه جق طرفدن تحصلینه ۲۴ اغستوس ۳۳۱ تاریخنده متفقاً قرار ویرلدی .

حکمہ تمیز جزا دائرہ سندن صادر اولان ۶ ایلول ۳۳۱ تاریخلی ۲۵۳۵ نومردلی اعلام صورتیر :

« متهمك مدافعه وکیلنك صفت وصلاحیت وكالتی اعلامده تصریح ایدلمك مستلزم نقضدر »

آیدین سنجانی بدایت محکمه سی جزا دائرہ سندن صادر اولان ۱۱ جمادی الاول سنه ۳۳۳ و ۱۳ نیسان سنه ۳۳۱ تاریخلی واون طقوز نومردلی اعلام ایله اوراق متفرعه سی باش مدعی عمومیلک مأموریت علیه سندن ۲۸ شوال سنه ۳۳۳ و ۲۶ اغستوس سنه ۳۳۱ تاریخلی وایکی بیک یوز طقسان طقوز نومردلی تبلیغنامه ایله ۳۰ اغستوس ۳۳۱ تاریخنده محکمه تمیز جزا دائرہ سنه اعطا قلمشدر .

اعلام مذکورک خلاصه مالی اوچیوز اتوز سنه سی کانون نایسنک اون التنجی کونی بالطه کوبلی دوه جی ابراهیمی قتل ایلدیکی ادعا قلمسندن دولای جنایتله اتهام اولنان حاجی صولی اوغلی احمد بن محمدک اجرا قلنان محاکمه علیه سی نتیجه سنده متهم مرقومک متهوراً فعل قتل مذکورہ جرأتی ثابت اولدیغندن مجرमितه و قانون جزانک یوز یتیش دردنجی ماده سنه توفیقاً اون بش سنه مدته کورک قونلسنه ۶ نیسان سنه ۳۳۱ تاریخنده حکم اولندیغندن عبارتدر .

اوراق دعوی بعدالمطالعه تدقیقات تمیزیه اجرا اولندقدہ تبلیغنامه ده دخی بیان اولندیغنی وجهله متهمه مدافعه وکیل تعیین قلنان امین بکک صفت وصلاحیت وکالتی تصریح قلماش و بو ایسه نقضی مستلزم بولنش اولدیغندن اعلام مذکورک اصول محاکمات جزائیہ قانوننک اوچیوز اون دردنجی ماده سنه توفیقاً نقضه و احکام قانونیه دائرہ سنده ایفای معامله اولنق اوزره اوراقنک محله اعاده سنه وایکوز غروش اعلام خرجنک ایلروده حقسنز چقه جق طرفدن تحصلینه ۳۰ اغستوس ۳۳۱ تاریخنده متفقاً قرار ویرلدی .

حکمہ تمیز جزا دائرہ سندن صادر اولان ۱۶ ایلول ۳۳۱ تاریخلی ۲۶۷۰ نومردلی اعلام صورتیر :

« جبراً قیز قاچیرمق وفعل شنیع ماده لری آیری آیری فعللردر »

عثمانجق قضا سنه تابع حاجی حمزه ناحیه سنک زینل محله سندن محمد قزی یکر می بش یاشنده فاطمه یی

جبراً قاجیروب فعل شنیع اجرا ایدلکری ادعا قلمسندن دولای جنایتله اتهام اولنان مزبورہ نك زوج سابق
ابش اوغلی حسین بن مصطفی و جریجی اوغلی محمد بن حسن و حاجی مصطفی اوغلی حسینك اجرا قلنان
محاکمہ لری نتیجہ سنده متهمون مرقومونك فعل شنیع مادہ سندن برائتلیله مزبورہ یی لیل قاجیر دقلری ثابت
اولغله اوجہندن فاعلیتلیله وقانون جزانك ایکی یوز آلتنجی مادہ سنے توفیقاً ایکیشرسنه مدتلہ حبسلیله
ومحمدك حین ایقاع جرمدہ اون سکز یاشنی اکال ایتمدیکی جہتلہ قرقنجی مادہ قانونیہ تطبیقاً مدت محکومہ سنك
ربعنك تزیلیله بریحق سنہ حبسنہ دائر چوروم سنجانی بدایت محکمہ سی جزا دائرہ سندن تنظیم واعطا قلنان
۵ مایس ۳۳۱ تاریخلی ویوزر نومرولی اعلامك تمیزی حقندہ محکمہ مذکورہ مدعی عمومی معاونلکندن
معطی استدعاناہ ایلہ متفرقاتی باش مدعی عمومیلک مأموریت علیہ سندن ۶ ذی القعدہ ۳۳۳ و ۲ ایلول ۳۳۱
تاریخلی وایکی بیک اوچیوز طقوز نومرولی تبلیغنامہ ایلہ ۷ ایلول ۳۳۱ تاریخندہ محکمہ تمیز جزا دائرہ سنے
تودیع ایدلکله لدی المطالعہ کرچہ تبلیغنامہ مرقومونك مزبورہ یی فعل شنیع دخی اجرا ایتدکری شاهدلرک
شہاداتی ومعاینہ راپوری مندرجاتی ومزبورہ نك افاداتی ایلہ ثابت ایکن برائتلیله قرار ویرلمسی مخالف قانون
اولدیغنه دائر لایحہ درمیان ایدیلان اعتراضات عندالحاکمہ دخی بسط و تمہید ایدلدیکی حالہ موقع بحث
ومذاکرہ یی قونیلہ رق اجوبہ ردیہ سنك قرار محاندہ کوسترلش اولسی اعتباریلہ وارد کورلش اولدیغندن بحثلہ
اعلامك تقضی طلب اولمقندہ ایسہدہ جبراً قاجیر مق وفعل شنیع آیری آیری فعللراولوب متهملرک فعل شنیع
مادہ سندن برائتلیله قرار ویرلمش اولسنہ ومدعی عمومی معاونلکندک تمیز استدعاناہ سیلہ لایحہ سی محتویاتی
فعل شنیع جرمنك ثابت اولدیغندن بحثلہ برائت قرارینہ اعتراضدن عبارت بولمسنہ نظراً تمیز استدعا
نامہ سندن اصول محاکمات جزائیہ قانوننك اوچیوز اون بشنجی مادہ سنے استناد ایدلک لازمکلورکن مادہ
مذکورہ یی استناد ایدلماش اولمسندن ناشی مارالذکر تمیز استدعاسنك ردینہ ۷ ایلول ۳۳۱ تاریخندہ متفقاً
قرار ویرلدی .

مندرجات

۵ تشرین اول — ۱۳۳۱

فسم رسمی

صحیفہ
ومروسی

۵ تشرین اول ۳۳۱ ۶۹۹۵

۱۰ » » ۶۹۹۶

۱۴ » » ۶۹۹۶

۱۹ اگستوس » ۶۹۹۸

۱۷ تشرین اول » ۷۰۰۱

مرہبات عدلیہ

— (۱)

— (۲)

محکمہ تمیز ہیئت عمومی مقرراتی — (۱) وکالت ایلہ کفالت حقندہ

محکمہ تمیز هیئت عمومی مقرراتی — (۱) تواتر بینہ سندنہ، جم غفیر اولمادینی حالہ
یاییلہ جق معاملہ یی دائر

(۲) حق مرور دعوالری حقندہ

محكمة تميز استعدا دائره سی مقرانی - (۱) تصحیح سن دعوالری حقنده ۱۵ اگستوس ۳۳۱ ۷۰۰۲

(۲) مستنطقك اعضاضه تیه بولنوب بولنه مایه جفی { ۷ ایلول ۷۰۰۳ حقنده » » »

(۳) تشکیل طرفین ایدلکسزین اعطاسی حکم { ۸ » ۷۰۰۴ ایدله مایه جفی حقنده » » »

(۴) اعطانك رأینك آلمسی حقنده ۱۳ » ۷۰۰۵ » » »

(۵) ذلله ویا حال حرب سبیلله توقیف اولندقلری { ۱۳ » ۷۰۰۶ بردن دیگر بر بره نقل اولنان موقوفین حقنده » » »

محكمة تميز جزا دائره سی مقرانی - (۱) جنایت مظنونیه برلکده لزوم قالمه سنه قرار { ۲۲ » ۷۰۰۷ ویریلن جنه مظنون حقنده » » »

(۲) اشیای جرمیه به حقنده تحقیقات اجراسنه { ۲۲ » ۷۰۰۹ دائر » » »

(۳) ادله ثبوتیه نك قرار مجرمیتده تصریحی { ۲۲ » ۷۰۱۰ حقنده » » »

(۴) ۲۰۳ نجی ماده قانونیه نك هانکی نوع { ۲۲ » ۷۰۱۱ سرقت فاعلرینه عائد اولدینی حقنده » » »

(۵) مجرمك سنی حقنده کی نفوس دائره سندن { ۲۲ » ۷۰۱۲ اجرا ایدیلن تحقیقاتك تحریراً تثبیت واوراق دعوا بیانده وضع ایدلسی حقنده » » »

(۶) مدعی شخصیلرک جنایتدن برایشلری { ۲۲ » ۷۰۱۳ حقنده کی مقررا علیه تميز دعوا ایدله جکرینه دائر » » »

(۷) نفوس قانون جدیدی حقنده ۲۲ » ۷۰۱۳ » » »

شورای درات مضبوطه سی - (۱) انحصار دخان قانوننك فرق بشنجی ومنذ کور { ۱۵ تموز ۷۰۱۵ قانونك صور تطبیقیه سی حقنده » » »

قسم غیر رسمی

مقاله

محكمة تميز رئیس اولی عثمان بك افندی { ۱۵ تموز ۷۰۱۸ حضر تلینك » » »

اماره مشاعه دائر